

# THEOLOGIÆ

UTHERANÆ TRI-

membris Epitome.

topicis prædicamentis seu principijs  
Theologiæ Lutheranæ.

e materia præsentium controuer-  
siarum Luther.

ccessione & concordia discipulorum  
Lutheri in confessione August.

posita VVormaciæ durante Colloquio per  
Frid. Staphylum, Rgis Rom.

Consiliarium. Dnyr Staphylus



Leuveni und Wylanzen  
discipul theol. vntwilling  
gewest und lang in  
denn vñ Rom vnt  
word ein Juchling  
Dochter und ein  
an dem sechsten und  
hundertachtzig  
Wannhelt und  
S. fristen prubende  
willend. Doctor Jaco.

ANTVVERPIÆ.

Extendebat Ioannes VVithagius,

Anno. 1562.

ward 7 oft 8. bis

und man hat den 7. Jan. 1561 den vnter  
Anno 1561 am 7. Jan. 1561 den vnter  
Judas VVithagius

Es heisset die heilige Augustinus  
twe Buchen geschriben, dar in er  
verdruct, dat in die veld vanden  
sine heiligen overvloed geschriben,  
dat want an den heilige Lieve van  
den Carthusianen geschriben, Alse van  
Lieve Lieve sie is mit geschriben,  
schulden, als een onbestemde wette  
verdruct geschriben, die heilige die, wie  
den een andere Lieve, dat Augustinus  
wie geschriben wete is, velen Lieve  
ist den Lieve die den Lieve van  
den Lieve, dat wie die wie, wie  
Christus den Lieve sage Jona d. 8. So  
wie den die Lieve an den Lieve  
geschriben, dat wie den Lieve  
Lieve wie, den Lieve Lieve  
Lieve sie is als een Vedele wete,  
wie Christus alse geschriben sie is, als  
den Lieve wete, den als Lieve  
die Staphilus & Wannenbroek etc.



# PRAEFATIO.

**I**Ametsi quidem ea perniciēs atq; vis  
mali est, non ut quidem omne, sed ut  
bonum aliquod corrumpere possit, nul-  
lum efficere: tamen haud dubiè in mi-  
ra προσημα φέρουσ euenit, ut Ari-  
stoteles inquit, quòd sicuti bonum est sui conseruati-  
uum, ita sui destructiuum, malum. Quo fit, ut tam bo-  
ni quàm mali duæ sint proprietates: huius ut malitiã  
suam queat, & alienum bonum, in quo hæret, corrup-  
pere: illius, ut se ipsum pariter atque sui similia con-  
seruet. Mali quidem perniciēs longè patet & fuse: sed  
non cuncta sunt huius loci, nisi tantum, quantum iam  
malum hæreseos cœpit deprauare bonum catholicæ fi-  
dei: & hoc vicissim illi obistere, pensitare in vtran-  
que partem quàm succinctissimè. Quoniam verò ne-  
mo negat, quin doctrina catholicæ fidei sit veritas,  
& idcirco bonum etiam: contraque, quin hæresis sit  
falsitas, & malum igitur. Proinde cum huius malum  
non possit non nisi in illius bono, existere, sequi oport-  
tebat, ut præsentis hæreseos malum aliquo modo de-  
prauaret bonum catholicæ fidei. Id autem quale sit,  
& quantum in Germania, non tam argumentis opus  
est, quàm miserabilibus Ecclesiæ lachrymis demon-  
strare, Germaniam verò quacunque contueare (uni-  
uersam enim si placet, percurrè) nihil est, quod non va-  
statum, quod non peruersum, & loco motum suo: quod  
non vetustatem reliquerit, non itatis suscepit perfidiã  
quod non ærumnosum, miserum, plenum odij, plenum  
inuidiæ, periculi, exitiosæ calamitatis: quod non eò  
spe-

# PRAEFATIO.

ſpectet, cū humana & diuina permixta ſint, ut bre-  
uiritura omnia videantur. Quid ergo malū here-  
ſeos agat, rogas? Corruptit nimirum, deſtruit, peruet  
it ea, quæ poteſt omnia. Exemplis non utar alienis,  
domeſticis abundamus. Olim fides catholica cōpleuit  
Germaniā templis diuorum, opes ſuppeditauit & co-  
pias, quantū ſatis erat, vel ad neceſſitatem vel hone-  
ſtatem vitæ. Hæreſes contrā, templa ſpoliauerūt, ec-  
cleſiā deſecrauerunt, eripuerunt facultates, ad miſe-  
riam cunctos, & ad paupertatē extremā eccleſiaſticos  
curatores redegerūt. Adeoq; res iſta manifeſta eſt, ut  
nō neceſſariū ſit rogare, quoin loco recens Euangelū  
regnet: ſaltem aſpice templa, mores populi conſidera,  
& cultū vitæ, eccleſiæ faciem contemplare: mox ſuc-  
curret vel tacenti etiam, vtrius fidei, catholicane, an  
huius nouæ admodū nuper orta, ſit conſeruare, quod  
boni proprium eſt: aut deſtrudere, quod mali. Ex ru-  
ſticis perquire, percunctare à eiuiſibus, an ſub paſiſti-  
co dominio (vtor illorū vocabulo) an ſub euangelico  
agros colere, remq; curare familiarē, ac vitam degere  
malint. Quid reſponſuri ſint, res ipſa teſtatur: agri e-  
nim & domus multò frequentius hic, quàm illic au-  
diuntur venales reperiri: vnde iudiciū fecerim de fru-  
ctu fidei atq; doctrinæ.

Alterā mali pernicies eſt, ſeiſum deſtrudere. Quod  
ideo neceſſe eſt, cū eius propriū ſit deprauare atq; redi-  
gere in nihilum: quia, vbi ab eo bono, in quo haſerat,  
excuiſum ſit, in ſe cōuerſum cogitur ſauire, & ipſum  
ſe tandē conſumere. Nota hiſtoria eſt de turri Babilo-  
nica. In cuius conſuſione cū Deus ſubtraxiſſet bonū  
communis linguae, quā vniuerſi vtebantur, ipſamet  
in ſu-

# PRAEFATIO.

in singulis confusa, fuit non incerta inchoati mali operis destructio. Quid ipsum denique populum iudaicum deleuit, nisi sua ipsorum inter sese malitia atque pernicacia? Quid Graciam euertit, quid extinxit Traciam, quid Mæsiã obtrinit, quid Vngariam? Profectò nihil aliud, nisi ipsorummet, tum in Deum et religionem impietas, tum in reges suos atque imperatores immodica perfidia? Nō Deus earum exitialium calamitatum autor fuit, sed sua istarū gentium propria malignitas, planeq; (vt Homerus canit de prauitate sociorum Vlyssis) ὁ φησὶ τῆς οὐκ ἀτασθαλίας οὐκ ὄντος. De Germania verò nostra quid aliquid nos expectamus? Vtinam verò minimè: at vereor quidem, ne idem penitus. Romana ecclesia quondam nobis Germanis eam, quam ab Apostolis accepit, catholicam fidem tradidit, et vnà Romanum imperium. Atqui fides illa dum catholica apud nos et incorrupta vigeret, dum de ea idem Sacerdos, non diuersum sentiret populus, dum feralia ista discordiarum nomina, Lutherus, Melancthon, Calvinus, Illyricus, ignota nobis essent, nec hisce factionū studijs dedita esset plebs: florebat tum in Germania imperiū Romanum: erat tū sancta in populo disciplina, salutaris iustitia in principibus, humilis obedientia in subditis: tum eramus domi concordēs et beati, foris hostibus terribiles, vicinis amici domesticis chari: et vt vno verbo dicam, Deus tum in nobis habitabat, exulabat regnum Sabana. At quò discordia ciues perduxit miseros? Odisse cepimus (quid odisse?) delere conati sumus Ecclesiam catholicam, matrem videlicet, et ad rectè beatèq; viuendum magistrā: fidemq;ne pariter filiam eius consti-

# PRAEFATIO.

constuprare tētauimus tot penè diuersarum haresium phyltris, quot iam passim sectarū duces (lenones pro-  
pmodum dixeram) nominari audimus. Impleuit ec-  
clesia Romana tanquam salutare Dei organum, pe-  
tiora nostra virtute et gratia: mores honestos docuit,  
& bene viuendi modū: artem medendi tradidit: iura  
& leges constituit: imperium apud nos institauit:  
deniq; adeò studiose hanc gentem nostram exornauit,  
vt nullam aliam studiosius. At verò quid non con-  
trā? Tedet reminisci, pudet dicere: πάντα γὰρ ὅχι καὶ  
ille inquit.

Duo quidem aduersus duplicem istam mali pestē  
semper extiterunt antidota: vnum, vt aut opposito cō-  
trario bono, coneris malum tollere: alterum, aut si id  
nequeas, ipsum bonum studeas, in quo malum haeret,  
auferre: vt hoc à bono separatum, et in se derelictum,  
tandem (quia corrumpendi finem nescit) seipsum dele-  
re cogatur. Ecclesia autem hactenus, vt pia mater,  
& non iners medica, sedulò conata est mederi istis  
χρυσίου haresium malis in Germania, opposito salu-  
taris doctrinae remedio: vt ad legitimæ medicationis  
canonem contraria contrarijs curaret: at frustra peni-  
tus, nihil enim profecit hucusque. Quid igitur? Cessa-  
bit? Ab hoc genere quidem: sed alterum restat genus  
antidoti, vt quando prius parū fuerit efficax, conu-  
tatur Ecclesia id bonum, in quo malum situm est, se-  
paratum abstrahere, & malum nudum in se solo de-  
relictum sinere, vt semetipsum corrumpat, atque in  
nihilum conuertat: ea nanque in magnis haresiū ma-  
lis semper præcipua fuit curatio.

Quapropter id nunc solum restare videtur, quod  
etiam



PRÆFATIO.  
cū omnibus pijs cordatisq; viris à Deo petendum est,  
ut quicquid boni adhuc in Lutherana hæresi vel ab  
ecclesia Romana, vel ab ipsa fide catholica residuum  
est, aut ipsi Lutherani id primo quoq; tempore profligant  
abs se, aut nos, quanto possumus studio, ab illis  
subducere conemur. Sanctè equidem promiserim (nec  
me falsum iri confido) fore, si catholica ecclesia ea cun-  
cta, quæ illius propria, sunt receperit à Lutheranis,  
ut, quemadmodum Plutarchus in cantharidibus a-  
nimaduertit, sic Lutherani quoque ex se ipsis pestis  
sua remedium habituri sint, quippe suis hæresibus  
certum quidem exitium, nobis verò remedium salu-  
tare: unde hæc istæ cōtentiones tandem finem queant,  
& suam Ecclesia pacem adipisci.

Alia nunc via nulla reperitur: quandoquidem  
semper ferè bellum hæreticorum, ut D. Hilarius in-  
quit, solet esse pax Ecclesiæ: id quod non leui, sed gra-  
uissima de causa nobis licet constituere. Etenim quia  
bonum à Deo est, rationem ergo quandam habet in-  
finitatis propter ordinem diuinæ legis: malum contra,  
quia à Satana prodijt & ab homine, finitum ita-  
que. Quocirca cū finitum neque principium infini-  
ti possit, neq; finem excedere, nec profecto malum vn-  
quam poterit vniuersale bonum seu τὸ καθόλου cor-  
rumpere omnino. Rectè igitur apud Euripidem The-  
seus ratiocinatur:

Εγὼ δὲ τοῦτοῖς ἀντίαν γνώμην ἔχω,  
πλὴν τὰ χρηστὰ τῶν κακῶν εἶναι βροτῶν,  
εἰμὶ γὰρ ἢ τὸ δ', οὐκ ἄρ' ἡμῶν ἐν φάτι.

Neque verius aliquod potest, neque euidentius  
pro stabilitate boni aduersus mali ruinam afferri do-

F

cumen-



cumentum, quàm quod attulit Euripides, cùm ait:  
 οὐκ ἄρ' ἄμειν ἐν φάει. Principiorū probatio solet esse talis,  
 nam si ita esset, ut ipse Theseus sibi obiecit,

ἐλπίς γάρ τις ὡς τὰ χεῖρονα  
 πλείω βρυτοῖσιρ ἐστὶ τῶν κακῶν:

Non posset non bonum, aut potius ipse Deus sicut  
 Manichæi impiè nugabantur, in summo versari peni-  
 culo interitus. At cōtrarium, quia ratio nobis dicti-  
 tat, communis experientia eicit iam pridem. Consta-  
 ter itaque asserimus, mali nunquam posse tantam ef-  
 se vim, ut queat vniuersale bonum delere.

Quin eiusdem argumenti firmitate, catholica do-  
 ctrina veritas aduersus omnem hæresim defenditur:  
 etenim quis neget catholicæ fidei veritatē esse bonū,  
 & bonū quidē Catholicū, cui insita sit ratio quadam  
 vniuersitatis infinitæ? Vicissimque, quin hæresis sit  
 falsitas, & idcirco malum quoque? Proinde quantū-  
 uis insaniant, quantumuis sæuiant hæretici crudeli-  
 ter: nunquam tamen malitia suarum hæresium hoc,  
 quod tuemur, bonum Catholicæ fidei extirpabunt:  
 licet egrotare aliquandiu possit veritas, ut ille in-  
 quit, certè neque extingui poterit, neque mori vllō  
 vngquam tempore.

Propugnemus itaque & conseruemus Catholica  
 doctrina bonū per se, sponteque sua conseruatiū sui:  
 & quò id oportunitus possimus constantiusque pra-  
 stare, ut hæreticos, quemadmodū D. Paulus, et ipse  
 redemptor Christus iubet, vitemus oportebit: idq̃ a-  
 dedò etiam, ne illis, tanquam publicanis Aue dixerim-  
 us quidem: quippe ut subtracto communi bono no-  
 stro priuato malo hæresium ne inficiamur, & perca-

# PRAEFATIO.

mus spontanea suscepta pestis contagione.

At qui secernam, inquis, bonum à malo, ut hoc vitare, illud assumere queam? Nota evidens est, si hoc, quod supra posuimus, discrimen boni ac mali teneas. Si boni est proprium, ut se suiq. similia conferret: ergo etiam, ut se cōsociet, se vniat, se summa complectetur concordia: utq. omnem vitet discordiam, omnem repudiet dissipationem, nihil admittat, quod aduersitatē corruptelasq. procreare posset. Ea quidem nota boni est. Mali indicium est eiusmodi quoniam si mali est destruere & ipsum se, & alia pariter, necesse est quaque, ut se dissociet, ut diuidat aut frangat potius: ut quod vnum est, distrahatur in multa: quod consentiens, faciat discors, atq. rebelle: quod constans suiq. simile dissimillimum efficiat, & in omnem partem dubium. Quocirca veritatem bonumque Catholica doctrinae forsitan nosse vis? Quere cōsensum Catholicū, eumque sensum sequere, atque intellectum scripturae sacrae, qui vbiq. viget in Christiano orbe qui semper fuit inde ab Apostolicis temporibus. Haeresin scire vis etiam? Vide, ubi in doctrina discordia, ubi hodie sic, heri aliter, cras secus de eodem quidem articulo, diuersum tamen docetur, contrarium asseueratur, aliudque alio in loco, nec idem eodem aut diuerso etiam tempore, proferatur: nec dubites, quin ibi si hanc notam deprehenderis, te haeresin omnino deprehendisse: sin illam, planè veritatem doctrinae catholicae. Atque ne ego haec dicere videar leuiter, tu temerè credere, aliquot tum diuini verbi aperta testimonia, tum sanctorū Patrum enarrationes subiungam, ne possis hac in re, quam viam

# PRAEFATIO.

*Catholicae veritatis sequi debeas: quod vitare hereseos dinerticulum, ambigere.*

## NOTAE ALIQVOT HAE- resium ex scriptura sacra.

3. Reg. 18. *Vsquequo claudicatis in duas partes? Si Dominus est Deus, sequimini illum: Si Baal, sequimini hunc.*

Prouerb. 9. *Mulier stulta & clamosa, plenaque illecebris, nihil sciens, sedet in foribus domus suae super sellam in excelso urbis loco, ut vocaret trans-euntes per viam, & pergentes in itinere suo. Qui est paruulus? inclinet ad me. Et ad vecordem locuta est: Aqua furtiua dulciores sunt, & panis absconditus suauior. Et ignorauit ille, quod ibi sunt gigantes, & in profundis inferni conuiua eius. Qui enim applicabitur illi, descendet ad inferos: qui abcefferit ab ea, saluabitur.*

1. Ioannis. 2. *Pueri extrema hora est, quemadmodum audistis, quod Antichristus veniet. Et nunc multi Antichristi sunt. Unde cognoscimus, quod extrema hora est. Ex nobis exierunt, sed non erant ex nobis. Si enim fuissent ex nobis, mansissent vique nobiscum.*

Tit. 3. *Hareticum hominem post vna atque alteram admonitionem deuota. Sciens, quod peruersus est talis, & peccat, suo ipsius iudicio condemnatus.*

Matth. 18. *Dic Ecclesiae. Si Ecclesiam non audit, sit tibi sicut Ethnicus & Publicanus.*

2. Petri. 3. *Quemadmodum dilectus frater noster*

# PRAEFATIO.

paulus secundum eam, quae ipsi data est, sapientiam scripsit vobis, sicut et in omnibus epistolis loquens in eis deistis, in quibus sunt quaedam intellectu difficilia, quae indocti atque instabiles torquent, sicut etiam reliquas scripturas, ad propriam ipsorum perniciem.

## QVOD VERA ECCLESIA

est vna & concors in doctrina & fide.

D. Clemens Alexandrinus Oratione Stromaton inter cetera sic ait:

Ἐν οἷς γὰρ ὄντι τὸ θεῖον, ἐν τῷ κυρίῳ, διὰ τοῦτο καὶ δ' ἄκρως τιμῶμεν κατὰ τὴν μόνωσιν ἱπαινῶν, μίμημα ὅν ἀρχῆς τῆς μᾶς. τῇ οὖν τῷ ἱεὶ φύσει συγκληρῶν ἡ ἐκκλησία ἡ μᾶς, ἣν ἡμεῖς πολλαὶς κατατιμῶμεν βιάζοντες αἰρήσεις κατὰ τὴν οὐκ ὁμοῦσιν, καὶ τὰ τε ποίνοισιν, κατὰ τε ἀρχὴν, κατὰ τε ἐξοχὴν, μόνον εἶναι φησὶν τὴν ἀρχαίαν καὶ καθολικὴν ἐκκλησίαν ἡμεῖς ἐν ὁμοῦσιν πᾶσι μᾶς.

Ita verbum ē verbo licet vertere:

Quia enim Deus vnus est, & vnus Dominus, idcirco etiam id, quod valde pretiosum est, quia vnum sit laudatur, cum sit imitatio quaedam eius principij vnus. Huius itaque natura vnus vna Ecclesia cōcluditur, quam in multas dissecare conatur haereses. Quapropter tum iuxta hypostasim, tum iuxta considerationem, tum iuxta principium, tum iuxta excellentiam, vnā esse dicimus, antiquam & catholicam Ecclesiam in vnitatem vnus fidei.

## QVOD SICVT VNA DO-

ctrina Apostolorum, sic vnus eius verus intellectus.

Idem Clemens in eadem oratione:



# PRAEFATIO.

Διακριτικὸν δὲ ὁμῶς καταληπτικὴ θεωρία, καὶ τοῦ κυριωτάτου  
λογισμῷ τὸ ἀληθὲς ἐπὶ τῷ φαινομένῳ, καὶ ὡς περὶ ὁδοῦ μίας  
μὲν τῆ βασιλικῆς τυχεύουσας, πολλῶν δὲ καὶ ἄλλων τῶν  
μὲν περὶ τινὰ κρημνὸν τῶν δὲ περὶ ποταμὸν ῥεῶσιν, ἢ θάλασσαν,  
ἀγχι ἰσθμὸν φερούσας. εὐκ ἂν τις ἐκνήσαι διὰ τοῦ διαφω-  
νίας ὁδοῦσαι· χρίσας δ' αὖ τῇ αὐνδυνῷ τῇ βασιλικῇ καὶ λι-  
φόρῳ μὲν γὰρ ἡ πάντων γέγονε τῶν ἀποστόλων ὡς περὶ διδασκ-  
καλία, οὕτως δὲ καὶ ἡ παράδοσις.

Hoc est.

*Comprehensiva speculatione simul et proprijsima  
iudicio oportet verum discerni ab apparente: et cum  
vna quidem regia via sit, multae autem aliae, quas  
quaedam in praecipitium ducant, quaedam in torren-  
tem fluvium, aut in mare profundum nunquid istam  
viarum diversitatem si quis audit, idcirco profectio-  
nem abijciat? Non. Sed utetur regia via et leophoro,  
quae prorsus est absque periculo. Quemadmodum enim  
vna est doctrina Apostolorum, sic etiam vna tradi-  
tio, seu interpretatio, vel sensus.*

*D. Cyrillus itaque lib. 4. in Ioan. cap. 34. Regia,  
inquit, via omnibus facienda est, qui rectitudinem  
fidei Christi sequi desiderant.*

QVOD EA FIDES SEV EA  
scripturarum interpretatio sola vera sit,  
quae à Patribus nostris tradita est.

*Basilius in sua ad Antiochenam Ecclesiam epistola.  
πίστιν δὲ ἡμᾶς οὕτως παρ' ἄλλων γραφομένην νεώτεραν παρὰ  
λεχόμεθα, οὕτως αὐτὸ τὰ ἡμετέρας διανοίας γιννῆματα πε-  
ραδιδόται τωλμῶμεν, ἵνα μηδ' ἀνθρώπινα λογίζωνται τὰ  
εὐσεβείας ῥήματα. ἀλλ' ἔπειτα παρὰ τῶν ἁγίων πατέρων δι-  
διδάχμεθα, ταῦτα τοῖς ἱερωτάτοις ἡμᾶς διαγγέλλομεν.*

Hoc est.

*Fidem*



# PRAEFATIO.

*Fidem verò nos neque ab alijs scriptam nobis re-  
centiorem suscepimus, neque ipsi mentis nostrae germi-  
na tradere audemus, ne humana cōmenta existimen-  
tur esse verba religionis. Sed quæ à sanctis Patribus  
edocti sumus, ea interrogantibus nos annunciamus.*

*Idem Basilii in Homilia contra Sabellianos &  
Arium.*

ἀνθρώποις σε ἡ παραδόσις, ὁ κύριος οὕτως ἐδιδάξεν, ἐπι-  
τολὴν ἐκύρηξεν, πατέρις διηγήσατο, μάρτυρες ἰβιβαίνοντες  
ἀρχιεπισκοπῶν, οὗς ἐδιδάχθη.

Hoc est.

*Te pacatum reddat traditio. Dominus ita docuit,  
Apostoli prædicauerunt, Patres obseruauerunt, Cōfir-  
maverunt Martyres. Sufficiat dicere, Sic edocti sum.*

*D. Athanasius ad Epictetum Episcopum Corin-  
thiorum:*

τοῦτο μόνον ἀπορίνασθαι πρὸς τὰ τειχῶν, ἰππῶν ἀρχῶν, ὅτι  
οὐκ ἐστὶ ταῦτα τῇ καθολικῇ ἐκκλησίᾳ, οὐδὲ ταῦτα πατέρις  
ἰφρόνησαν,

Hoc est.

*Hoc solummodo respondere ad talia, & dicere  
sufficit, quòd ista nō sunt catholica ecclesia, neq; ista  
patres nostris senserunt.*

## QUOMODO HAERETICI tractent Scripturam sacram.

*D. Clemens Alexandr. 7. Stromateon.*

καὶ τολμήσωσι προφητικαῖς χρήσασθαι γραφαῖς, καὶ  
ἐν ταῖς αἰρίσις μετέχοντες, πρῶτον μὲν οὐ πάσαις, ἰππῶν ἐν  
τελείαις, οὐδὲ ὡς τὸ σῶμα καὶ τὸ ὕψος τῆς προφητείας ὑπο-  
γράφουσι, ἀλλ' ἐκλιγόμενοι τὰ ἀμφιβόλως ἐξηκμένα ἐν ταῖς ἰδίαις  
κατάθεσι λόγας, ἐλίγας ἀποράδην ἀπανδριζόμενοι τῇ λίσσῃ

# PRAEFATIO.

σχιδόν γάρ ἐν πᾶσιν οἷς προσφέρονται ἐν τοῖς, ἑρμῆσι ἂν ἄν  
 τὸς ὡς τοῖς ὀνόμασι μόνοις προσανίχθῃ, τὰ σημαίνοντα  
 παλάτῃοντας.

Hoc est,

Quaquam & hi, qui haereses sectantur, au-  
 deant uti propheticiis scripturis, tamen primum neq.  
 omnibus utuntur, deinde neque integris, neque etiā  
 quid vel corpus prophetiae, vel gibbus velit, consi-  
 derant: sed ea quae ambigūe dicta sunt, eligentes,  
 transferunt illa in priuatas suas opiniones: Sparsimq.  
 voces paucas veluti flosculos carpentes, nō spectāt in  
 eis significatum, sed nuda dictione abutuntur. Pro-  
 ptemodum, enim solis verbis, (τοῖς ἐν τοῖς) additos  
 reperiās illos tanquam solis nominibus inherere, aut  
 significata variantes.

Epiphanius in. 2. libro contra Apostolicos scribēs,  
 ait: καὶ αὐτοὶ ταῖς ἐν ταῖς γραφαῖς μόνον κειμήνται.

QVOD HÆRETICI NV-  
 dum textum scripturę postulent, &  
 Catholicum consensum per tra-  
 ditionem acceptum re-  
 pudient.

Basilii capite decimo de Spiritu sancto:

πίσις δὲ ἐστὶ τὸ πολεμούμενον, ἢ κοινοὶ στόχοι ἅπασιν ὁ  
 ρισμὸς τῆς εἰς χριστὸν πίσιως κατασῶσα ἐκ τῶ πᾶσι ἀποστολικῶν  
 παράδοσιν ἐξ αἰσθησάν ἀποφανισθῆναι διὰ τοῦτο ὡς τῶ  
 χρεωφελιτῶν οἱ δὲ θεοὶ ἐν γινώσκοντες τὰς ἐκ τῶν ἐγγράφων  
 ἀποδείξεις ἐπιβοῶντες τῶ ἀγραφῶν τῶν πατέρων ὡς ἐν δυνάμει  
 ἀξίαν ἀποπειμῶμενο: ἀλλὶ οὐ γὰρ ὑποσόμεθα τὴν ἀληθείαν,  
 οὐδὲ ἀλλοίαν τὴν συμμαχίαν προσώσομεν.

Hoc est:

Fides

## PRAEFATIO.

Fides ipsa est res ea, de qua bellum geritur: commu-  
nisque scopus est cunctis, velle firmamentum nostrae  
in Christi fidei conuellere, ac inde traditionem apo-  
stolicam pessundatam delere atque extinguere. Eam-  
que ob causam sicut debitorum probiores (si res mutuū  
reposeas) debiti scriptas cautiones efflagitant, Patrum  
testimoniū, ac si nullius sit momenti, repudiant. Ne  
verò nos nihil omitemus veritatis, neq; ob timorem,  
communem societatem belli prodemus.

D. Hieronymus aduersus Luciferianos scribens,  
ait: In illa Ecclesia permanendum est, quae ab Apo-  
stolis fundata, vsque in hanc diem durat. Nec sibi  
blandiantur (haeretici) si de scripturarum capitulis  
videntur sibi id confirmare quod dicunt: cum & Dia-  
bolus de scripturis aliqua sit locutus: et scripturam nō  
in legendo, sed in intelligendo consistant.

QVOD HAERETICI SEMPER  
sint discordes inter se in sua  
doctrina

Irenaeus lib. 5. Tales sunt omnes haeretici, & qui  
se plus aliquid praeter veritatem inuenire putant, se-  
quentes ea, quae praedicta sunt, variè & multiformi-  
ter imbecille facientes iter, de cisdem non semper eas-  
dem sententias habentes, veluti cæci à cæcis circun-  
ducuntur.

Tertullianus in libro de praescriptionibus: Vnde  
autem extranei & inimici Apostolis haeretici, nisi ex  
diuersitate doctrinae, quam vnusquisque de suo ar-  
bitrio aduersus Apostolos aut protulit, aut recepit?  
Illie igitur & scripturarum & expositionum adulte-  
ratio deputanda est, ubi diuersitas inuenitur do-

## PRAEFATIO.

*Etrina: quibus fuit proposita aliter docēdī necessitas, instituerunt aliter disponendi instrumenta doctrinae: alias enim non potuissent aliter docere, nisi aliter haberent, per quae docerent.*

*D. Athanasius in decretis Synodi Ephesinae: Homines, ut dixit Iacobus, duplici animo et instabiles in omnibus vijs suis, nec eandem habentes sententiā, sed nunc in hanc, nunc in illā sese vertentes: et nunc quidem probantes quod dicunt, mox verò vituperantes, quod paulò antè laudauerunt. Hoc autem, ut pastor ille dicebat, ex Diabolo progenitum est, per quod citius agnosceas caupones, quā doctores. Est enim, sicuti à maioribus traditū est, vera doctrina: et hoc vetos doctores arguit, si eadem inter sese profiteantur, neque diuersa sentiāt vel inter ipsos, vel à suis maioribus dissidentes. Et enim qui hunc in modū affecti nō sunt, improbi potius, quā veri doctores dicendi sunt.*

*Epiphanius libro tertio contra Dimacritas:*

*πολλοὶς καὶ λινοῖσμι καὶ ἐκ πολλοὶ γιγνάμεν, ὅτι ἵνα καὶ τὸ λόγος τοῦ ἡγουμένου τῆς φιλονεικίας καὶ τῆς ἀγῶνης ἵως θανάτου παρ' αὐτῶν ἐκδικῆται. καὶ ἐκ τούτου ἔγνωμεν ὅτι τάχα περὶ τοῦ τινὲς ὑπονοίας παρ' αὐτοῖς ὁ λόγος ἔστιν ὅτι καὶ γὰρ ἰρωτικὸς τινὰς ἐξ αὐτῶν, διαφόρως μὲν οἱ πάντες ἀναγγιλλοῦσι.*

Hoc est:

*Sapē autem cogitauimus et obstupuiamus, quod propter sermonem istum seditio contentionis atque certaminis usque etiam ad mortem ab illis vindicaretur. Ex hoc cognouimus, quod ferme dissimiliori quadam suspitione apud ipsos (Dimacritas) sonat hic sermo. Quando enim aliquos ex illis interrogaueris, omnes sanē diuersum respondent.*



# PRAEFATIO.

Loco praefationis, istas placuit scripturae sacrae, san-  
ctorumq; Patrum sententias praefigere huic isti tam  
vetro diuersarum haeresium aceruo, vt si quis forte mi-  
nus confirmatus in hanc syluam errorum inciderit, no-  
nisi & diuini verbi, et ecclesiae antidoto praemunitus,  
temerè hoc Trophonij antrum ingrederetur. Nec pro-  
fectò certior vlla dari potest, nec illustrior veritatis  
agnoscendae tessera, quàm si noueris verum esse sim-  
plex semper, & vnam, nec vllum deprehendi erro-  
ris euidentius signum, quàm quòd mendacium sem-  
per est varium, semper multiplex, semper distractum  
in se, & diuisum contra seipsum. Nam ideo fit, sicut  
vetus Poëta ait, quod

Præuus agit variè, simpliciterq; bonus.

Quicunq; igitur hanc haeresium syluam peragere  
vult, is memor sit, se in medio venenatissimæ pestis  
versari: aduersus quam nullum sit pharmacum aliud,  
quam orthodoxum scripturae sacrae intellectum discere ab  
Ecclesia Catholica: nec eos velle (vt Salomonis senten-  
tia habet) quos maiores nostri posuerunt terminos,  
transilire. Prudenter itaq; monet D. Epiphanius. 2.  
lib. contra haereses: Termini, inquit, nobis positi sunt  
& fundamenta, & edificatio fidei, & Apostolorum  
traditiones, & scripturae sacrae, et successiones doctri-  
nae, & vnde quaque veritas Dei munita est. Nemo  
ergo decipiatur nouis fabulis. Eam igitur si viam stu-  
diosè sequemur, nunquam vel in ipsis etiam errori-  
bus errare unquam poterimus.

AR-



# ARGVMENTVM

## LIBRI.

**M**artinus Lutherus vt ingenij, sic do-  
 li plenus, cū nouā theologia formā  
 meditaretur, intelligebat omnē theo-  
 logica scientia facultatem rectissimē  
 partiri in formā & materiā, & in a-  
 gendi potestate. Quod ad formam attinebat, cōmunia  
 principia & axiomata antē semper vsurpata à Theo-  
 logis, labefecit inuitiō, mox explosit etiam ex scholis &  
 templis: substituitq; noua quadam principia, tanquā  
 dialectica prädicamēta, sedesq; topicas argumentorū:  
 vnde quoties disceptandū fuit, rationes desumi pos-  
 sent. Quae autem et qualia ista Lutheri topica pradi-  
 camenta sint, primo loco posuimus. Deinde materies  
 sequitur, tanquā sylua quæstionum theologicarum,  
 quas ipse Lutherus partim nouas introduxit, partim  
 ab antiquis Hæreticis potissimū mutuatus est. Quā-  
 quam autē cōplures scio quæstiones nouas reperiri pas-  
 sim cū in ipsius Lutheri libris tum in alijs consecra-  
 riorum scriptis: tamen præcipuas visum erat in ordi-  
 nem quendā digerere: vt in promptu esset, si quando  
 refutare eas quis vellet. Vltimo loco successores Lu-  
 theri recensentur, ne obscurum sit, qui vel degenera-  
 uerint à magistro discipuli: vel quā sub Augusta-  
 na cōfessionis umbella pulchrē concordēs sint: et quas  
 nouas illi quoq; sectarū familias pepererint: Vnde iā  
 id consecutū, vt Augustana confessio peregrinetur in  
 Vtopia, nec Augustana amplius, sed Vtopiensis sit  
 appellanda.

# PRIMA PARS

## LIBRI.

DECEM PRÆDICAMENTA SEV  
topica principia theologiæ Lu-  
theranæ.

PRIMUM TOPICVM PRÆ-  
dicamentum.



*Apiste euangelium Christi abiecerant, Lu-  
therus abiectū instaurauit, produxitq; ex te-  
nebris Papa, in lucem hominum. Ergo Lu-  
thero omnia credenda sunt tanquam Ger-  
manico propheta: Papistis nihil tanquam  
Euangelij desertoribus Luth. in libro contra  
Henricum Regem Angliæ, & in lib de falso statu cleri. Idem  
discipuli nusquam non scribunt & asserunt.*

**P**incipium nouæ theologiæ primum fuit hoc prædi-  
camentum Lutheri, se Euangelij oppressi vindicē da-  
tum à Deo: sibi salutem populi per Papam seducti,  
curæ esse: animas enim miseræ plebis perire, cum pro E-  
uangelio Christi, pontificiæ fraudes regnent passim.

Quapropter Papam & omnes, qui huic adhæreant,  
hostes Euangelij habendos, se Euangelistam Christi co-  
li debere.

Finxit hoc mendacium Lutherus in gubernatores  
Ecclesiæ. Vidit enim, si clerum hoc tam immanis flagi-  
tij odio prægrauatum accerferet in iudicium populi, se  
quidem quæ veller, posse persuadere omnia vtrò credi-  
turis: Papistas verò eius perfidiæ suspicione laborantes,  
omnem fidem authoritatemque repente amissuros esse.  
Perfecit homo nequā, quod voluit hæretique in hunc vs-  
que diē ea peruersio in animis hominū, Euāgelium Chri-  
sti à Luthero resuscitatum esse, atque vindicatum à ser-  
uitute

uitute pontificia, & restitutum in libertatē Christiani populi; unde etiā ea secta nomen accepit, vt Evangelici appellarentur, qui Lutheri nouum Euangelium essent amplexi: Papistæ, qui doctrinā veterem. Credidit hoc scelus de Clero confictum populus, auxerunt seditiosi concionatores, Principes arripuerunt, resq; ex eo tā vano principio, in hanc tantā Christianę Reipub. ruinam perducta est. Adeoq; etiā nunc idē prædicamentū Lutheri topicū, & autenticū est, vt si quis veterē religionē argumentis licet firmissimis, conetur defendere, satis sit respondere: Tu Papista es, argumenta tua non valent. Vel sit: Argumentum istud Papisticum est: ergo non est autenticum.

## SECUNDVM TOPICVM

prædicamentum Lutheranae theologiae.

**L**utherus fuit Propheta & alter Elias & curru Israel. ergo quaecunq; ille censei in sacris Biblijs esse hagiographa scripta, ea debent haberi pro autenticis & hagiographis: qua ipse reijcit, pro reiectis. Ergo Apocalypsis Ioannis est somnium, epistola Iacobi straminea, epistola ad Hebraeos nota, secundum librum Machabeorum impius. ergo licet truncatas sententias citare, & quæ nusquam scripta sunt, allegare, & negare quæ scripta, vel latinius esse contendere, vel deierare esse supposita & subinde mutare propriam sententiam, hodie sit, postmodum contrariū dicere. Lutherus quod ipse sit euangelista & propheta, dixit in libro de falso statu ordinis spiritualis. De eodē spiritu Elias Philippus, Pomeranus, Ionas in historia mortui Lutheri. De nothiis scriptis Bibliorum ipse Lutherus in primis editionibus versionis suæ, & item alij.

De mutilatis sententijs & falso citatis, mille exempla passim reperias. Magnus vsus est nunc eius Lutheranæ topices. Exempli gratia: Si proferas exempla Iacobi, Fides sine operibus mortua est: ergo non sola fides iustificat: iam Lutheranus respondebit ex hac topica: Nego antecedens, quia Lutherus alter Elias & verus Propheta dixit, quod epistola Iacobi sit straminea. Ergo antecedens est falsum. Item cum Lutheranus virginatē ē

CENO-

conobijs uolet pellere, sic argumentabitur: Qui ducit, vel quæ nubet, bene facit Ergo nullus uiuat cœlebs, nulla sit uirgo, sed bene licet monachis moniales ducere. Si fortè causeris, Pauli sententiam truncatè productā, quoniam sequatur: Qui autem non ducit, melius facit: refutatur hæc obiectio ex eadem topice, hoc modo: Lutherus Germanicus propheta & Elias ita citauit istum locum: ergo ualeat consequentia. Aliud Exemplum. Si quis causetur, quòd Lutherani theologi singulis penè annis murent sententiās Augustanæ confessionis: & tamen in istam inconstantem Confessionem cogant doctorandos & ordinandos suos iurare, quod nunquam eam uelint deserere, sed tueri & propagare, tanquam uerbū Dei: mox responsio in promptu est ex hac eadem topica, *Antiqua opioris & uirginitatis*. Hoc est: Posterior spiritus Lutheri semper fuit melior priore. Itaque iam pelagium licet magistrum sequi, iam Manichæum, & mox alios, prout posteriora prioribus meliora esse dictabit spiritus Lutheri.

## TERTIVM TOPICVM

prædicament. Lutheranz  
theologiæ.

**S**olum Lutherus (nimirum alter Elias & iudeus egregius) rectè uertit sacra Biblia. Ergo uetus translatio Latina. & Græca interpretatio. 27. prauæ sunt versiones. Proinde nulla alia translatio legenda in Ecclesia, nisi Mart. Luth. Ita est in decreto Lipsensi, cui Pfessinger, Melanthon, Pomeranus, Maior, Alsfum, & alij subscripserunt, uel sic: ecclesia ad nullam certā versionem alliganda est. Ergo cuilibet liberum esto, ut pro arbitratu suo uel sic, uel secus uertat textum scripturæ. Ecclesia Tigurini in præfatione nouæ versionis suæ.

ER & hoc prædicamentum ualde topicū ad diuersorum argumentorum inuentionem. Nam quoties euidens textus scripturæ affertur: ut, Inuocetur nomen meū super eos: ergo sunt etiam Sanctis sua suffragia: respondendū ex hac topices regula: Hebraica ueritas secus habet: non enim sic uertit Lutherus. Ergo antecedens est falsum.



falsum. Aliter: vt si ita argumenteris: Dominus est iustus noster: ergo nos essentia diuina non sumus iusti simpliciter: responder Osiander ex Tigurinis topicis: Ecclesia ad nullam certam versionem alligata est. Ergo antecedens est falsum. In primis frequens est huius topici praedicamenti vsus: quoties enim cunque vltius progredi non licet, mox, si neges versionem allegati textus, vel quia non ita transtulerit D. Martinus, vel nemo vilius auctoritate versionis debeat teneri, aduersario omnem disputandi viam praestrueris: in infinitum enim malā textus versionem causari licebit.

Postea verò quā Lutherus persuasisset populo, Papistas Euangelium abieciisse, & Luthero fas esse, vt quae scripta velit, ea liceat sibi, tanquam *volūmēta*, è Sacris biblijs rejicere versionem aggressus est Germanicam, sed ita, vt non possis ambigere, Euangelium Lutheri passim palliatam speciem praese ferre Biblicae auctoritatis. Sed malam gratiam praecceptorum Tigurinae Scholae, quae ne solus regnaret Lutherus, vt hic vnicam versionem suā, sic illi nullam certam extare volebant.

#### QUARTVM TOPICVM PRAE- dicam. Lutheranae theol.

**S**criptura sacra per se satis clara & aperta est, interprete non eget. Ergo quilibet potest intelligere illam, & interpretari, tam suus, pellio, tonsor, quā theologus & episcopus. Ergo sola scriptura debet esse index controuersiarum ecclesiasticarum. *Luth. in assert. & lib. de Ecclesia & consilijs.*

Huius topici praedicamenti duplex vsus est, & quidem longè vberimus: prior enim eò spectat, vt populus non solum non egeat concionatoris institutione, sed etiam vt queat ipsemet, siquidem Scriptura per se clara est, dilucidare, rectè, an secus concionatus sit suus Parochus: legitimè, an illegitimè Scripturā explanarint Concilia, Episcopi, Pontifices: imò vt cupidinarii, vt cetarii, vt lictores (licet nullis sint imbuti literis) queant Ecclesias regere, rusticos docere, sacramenta porrigere, & alia eiusdem generis officia praestare, modò clarum textum scripturae per Lutherum translata, legere possint. Applicatio



catio huius topices talis potest esse. Si fortè quispiam audiat futorem in taberna aut in templo differentem de mysterijs scripturarum, rogetque illum, cum sacerdos non sit, nec ad id officij genus institutus, qua fronte audeat tale sibi munus usurpare: ibi ille huius topices auctoritate subnixus, ita responderit: Scriptura sacra per se clara est, & omnes sumus *theologi*. Ergo æquè mihi integrum est, interpretari scripturam, & tractare verbū Dei, atq; Doctori cuipiam. Hac è topica profiliunt hoc tempore, tanquā ex equo Troiano, diuersi generis Doctores ecclesiarū, pelliones, vestiarij, fullones, cerdones, fabri, coci, gladiatores, lictores, carnifices, alijq; eiusdē farinae conformes: quorū nunc curæ committuntur ecclesie passim: nec aliud; si fortè querās, cur id fiat, respondetur, nisi quoniā scriptura sacra per se clara est, & omnes sumus *theologi*: itemq; illud, Spiritus spirat quo vult, hoc est, tā futori inspirat tractanti coriū, quā theologo Biblia versanti peritiorē intellectu scripturæ. Ex hac topica sic argumentabatur Thomas Monetarius: Christiani sunt liberi: rustici sunt Christiani: ergo sunt illi liberi ab omni onere & seruitute suorum dominorum. Ex eadem & Bernardus Rotmanus sic collegit: Sola fides iustificat: ergo baptismus nō est necessarius. Admoniti autem illi, quod scripturam non rectè intelligerent, respondebant, verbum Dei per sese clarum esse, interpretare non egere.

Secundus eiusdem prædicamenti vsus est duplex, vt negativè hinc possis & affirmativè argumenta ducere. Negativè in hunc modum: Scriptura sacra per se satis clara est. Ergo non opus est subtili Scholasticorum disputatione: nec arduis illis sanctorum Patrum interpretationibus: multò minùs decretis Consiliorum. Vigore huius topices possunt omnia Consilia præterita & futura, omnis labor sanctorum Patrum, & vniuersum interpretandæ scripturæ sacre ministerium tolli. Quemadmodum etiam Philippum Melanthonem scimus fecisse, quando docēdi munus è scholis sustulit, & cum scripsit, nihil velle recipi, præter solam scripturam. Vide Philippi præfationē, ad Georgiū Spolantinū in canones Apo-

stolorum, & præfationem Lutheri in annotationes Philippi.

Affirmatiuè sumuntur argumenta ex eadem topicè: Scriptura sacra per se clara est. Ergo sola Scriptura debet esse iudex ecclesiasticarum controuersiarum. Exemplū: Osiander contendit hominem iustum fieri essentiali iustitia Dei realiter. Magdeburgenses contrā imputatiua iustitia, & relatiuè tantum. Quid in ea controuersio statuendum? hi relationem ponunt, quippe entitatis nihil: ille contrā ipsum Deum, entitarii summum. Secundum hanc quidem topicen, Scriptura debet esse iudex, sed hæc neutrum vel affirmat vel iustificatur: quæ ea igitur erit iudex, quando tacet ad vtrumque? Philippus vsum huius topics ostendit eo pacto. Quoniam Scriptura iudex tacet ad vtrumque: ergo condemnat neutrum: vnde consequitur, quod inter vtrāque sectam facere *ἀμυνσίαν* præstet quàm lites serere inextricabiles. Quanquā Illyricus eam inter ipsos *ἀμυνσίαν* xgrè fert: credo, siquidem vsum huius topics nondū rectè didicerit. A peritis animaduersum est. Lutheranos hoc topico prædicamento rectius vti posse aduersus Catholicos, quod hi orthodoxam scripturæ interpretationē vrgeant: quā aduersus Iudæos, Anabaptistas & Arianos, quod isti solū postulent scripturæ textum. Nam si his obieceris, scripturam per se satis claram esse, mox idem ipsi in Lutherum statuent, quod ipse in illos.

#### QVINTVM TOPICVM PRÆDICAM. Luther. theologia.

**M**aior est autoritas scripturæ, quàm ecclesiæ. Ergo quicquid ecclesiæ dicit contrā Lutheranos, id semper minus verum est, minusq; autoritatis habet, quàm si scripturæ diceret. Luth. in lib. de concilijs & ecclesiæ.

Est & huius topici prædicamenti duplex vsum argumentandi, vnus negatiuè, affirmatiuè alter: Negatiuè sic: Prudentia carnis, est inimicitia aduersum Deū, Ergo virtus nihil aliud est quā peccatū. Philip. in suis in Paulum annotationibus ita argumentatur. Tu si consequentiam neges, quia non sic soleat ecclesiæ locū Pauli exponere:

tum

tum ille confestim ex hoc suo topico: Maior est autoritas Scripturæ quàm ecclesiæ. Ergo expositio ecclesiæ nō valet. Et sic in omnibus alijs similiter.

Affirmatiuè: Maior est autoritas Scripturæ, quàm ecclesiæ. Sed quia nos (inquiunt) sequimur solam Scripturam: ergo nostra autoritas est maior, quàm ecclesiæ, quàm omnium aliarum gentium. Ecquid non valde topicè Fraudem hanc animaduerte studiosè lector. Etenim in hac quæstione. Estne maior autoritas Scripturæ, quàm ecclesiæ? norit pius lector, non id in litem vocari, quasi Catholici velint magis verum esse, quod ecclesia dicit, quàm quod Scriptura. Nō hoc quæritur, inquā, sed illud, quia verbum Dei est veritas, sit ne hoc magis verū, si scriptum sit in papyro, an si insculptū in corde ecclesiæ: etenim plus vno verum esse nō potest in eadem re. In hac quæstione non est lis de veritate, vtrū hęc in scripturis maior sit, an in carneis libris Ecclesiæ (vtrōq; enim oportet eandē esse) sed lis est, quo ad præstantiā subiecti, hoc est, vtrum nobilius vas seu subiectum veritatis sit, viuū cor Ecclesiæ, an verò chartaceæ membranæ Scripturarum: & an maior autoritas viuo pectori Ecclesiæ tribui debeat, an mortuis membranis & literis Scripturæ: minor haud dubiè his, illi maior. Hinc dolum Lutheri æstimari licet.

#### SEXTVM TOPICVM PRÆDICAM. Luth theolo.

**C**oncilia & S. Patres errare potuerunt. Ergo legendi sunt cum iudicio, vt eatenus probentur, quatenus cūlabet ex priuato iudicio (sed tamen secundū sensum Lutheri) videantur congruere cum scripturis sacris. Luth. lib. de concilijs & ecclesia.

Bisariam ex hoc topico argumenta licet promi, negatiuè & affirmatiuè. Negatiuè sic: Cōcilia & S. Patres errare potuerunt. Ergo Concilium Nicœnum impiè sancit legem de cohibitu impiè Mileuitanū, quod gratia non solum nobis fidem afferat, vt scire possimus, quid lex Dei nos iubeat facere, verū etiam auxilium præstet, vt facere valeamus: nec rectè Toleranum, quod alij

DE TOPI PRAED.

pro iustitiæ meritis vitam æternam percepturi sunt, alij pro peccatis æternum supplicium. Eadem ratio est argumentandi contra sententias Sanctorum Patrum, & omnia decreta Ecclesiæ: vt si non placet quod affertur, mor ex hac topicè proferas: Errare potuerunt Concilia, contraria docuerunt Sancti Patres: non ergo illorum autoritate tenemur.

Ducuntur hinc argumenta affirmatiuè: sed per hoc & id genus alia axiomata Luther<sup>us</sup> & huius Discipuli, cunctiq; Lutherani, eò videlicet, quia habent spiritum euangelicæ libertatis, vt liceat quod libet, errare nō possunt. Ergo ipsi soli rectè intelligunt scripturam sacram, soli rectè interpretantur, soli concordēs sunt, soli inter sese de vero scripturarum sensu nusquam discrepant.

SEPTIMVM TOPICVM PRÆDICAMENTUM Lutheranae theologiae.

**V**eritas euangelij non alligatur ad vllam certam, aut temporis, aut locorum, aut personarum successionem: Ergo veritas euangelij non tenetur esse Catholica, vt dispersa sit vbiq; in Christiano orbe, & semper inde ab Apostolicis temporibus continuata existat. Lutherus passim de Ecclesia, & contra Papatum. Philippus in Locis, & alibi.

Robustissimè ex hoc prædicamento argumentari solent Euangelici, & quidem in vtranq; partem: sed robustius negatiuè, affirmatiuè aliquanto verecundius. Negatiuè, si quando obijcitur, communem Scripturæ sacre intellectum pertinere ad fidem Catholicam, priuatam Scripturæ opinionem, heresim esse: ad eam sanè obiectionem & similes, efficacissima argumenta ex hoc septimo prædicamento proferuntur in hunc modum: Quod neq; locorum vniuersitati neq; continuatæ seculorum successionē alligatum est, id nō oportet esse Catholicū. Sed veritas euangelij nō est alligata, neq; locorū, neq; temporū successionī. Ergo euangelij veritas nō tenetur esse catholica: nec vllus nobis est Catholicus Ecclesiæ consensus necessarius. Minor sic probatur: Quia veritas euangelij



stat, modò illic, nimirum nō vno in loco assidua est, nec foret conspicua sumper: aliās enim penitus extincta nusquam apparet, aliās resuscitatur, sicut iam factum à Luthero est.

Affirmatiuè: Veritas euangelij nulli certo vel loco vel tempori alligatur. Ergo solummodo VVittenbergæ cœpit Euangelij veritas antea annos quadraginta primū in lucem prodire, cū ante annis quadringentis esset extincta. Vel sic: Vbique multi errores sunt, & fuerunt. Ergo apud solos VVittenbergenſis veritas remanſit, & nulli apud istos ſunt errores.

Sed hæc affirmatiua argumentandi ratio, nescio quid posset insignis arrogantix præ se ferre: proinde satius fieri videtur, antecedens nudum ponere, & consequentiam relinquere lectori tacitò colligendam: quemadmodum Philippus artificiose consuevit facere.

## OCTAVVM TOPICVM PRÆDICAMENT. Luther. theologiæ.

**V**idete, ne quis vos decipiat per inanem philosophiam. Ergo si quod argumentum vrgens obijcitur ab aduersario, respondendum quod sit sophisticum, quod sit inanis philosophia. Nusquam non hoc argumentandi modo vsi sunt Lutherus & Philippus.

In utramq; partem & hoc prædicamentum suppediat argumentandi copiam. Affirmatiuè, sed per contrarietatem oppositi: Iustificari hominem per fidem, quæ efficax est per charitatem, est inanis philosophia, & sophisma. Ergo sola fide iustificamur. Vel per compendiū: Sophistica repudianda sunt. Tota scholastica doctrina est sophistica. Ergo tota scholastica doctrina repudianda est. Minor probatur: quia cauendum, ne quis nos decipiat per inanem philosophiam. Negatiuè: Sophisma est, quod deuitare hæreticum, sit illum de vita tollere.

Ergo sunt Hus & Seruetus cōburendi, tanq̃ Hæretici. Valde nunc est, & fuit antea hoc prædicamentum topicum frequens. Etenim hinc Melanthon quondam & Carolostadius occasionem sumpserunt, vt hic VVittenberga

DE TOPI. PRAED.

berga relicta, in proximo pago ex oratore repente fieret arator & rusticus: ille persuaderet suis scholasticis, vt omni philosophiæ literarumq; studio abiecto, sese ad aliquod mechanicum opificium conferret: philosophiam enim inanem esse, Deo non placere, cum omnes simus *διόδοι δ' αὐτοί*. Crediderūt id pleriq;. Scimus enim alicubi insignes vrbes, in quibus iuuentus adeo à literarū studio subtracta fuit, vt ad bienniū scholæ omnes vastæ relicte fuerint: donec Lutherus ex Pathmo reuersus, alterum corrigeret, eijceret alterum è VVittenbergenſi diuione. Itaq; Lutherus vſum huius topices ita cōſtituit: vt quociens vrgens aliquod argumentum obiectum ſit à Catholicis, respondeatur ex hac topicè: Est sophisticum, & inanis philosophia: Taceat mulier ecclesia. Contraque, ſi ipſe aliquod poſſet dentatum ſophisma obijcere Catholicis, ibi vt eſſet vera, non inanis philosophia: ibi vt liceret mulieri loqui in Ecclesia. Nimirum, vt iu eo apolego eſt) quo Demosthen. ſcimus vſum aduerſus Alexandrū) Lupi petunt ab ouibus, canes ſubmoueri à canis, quod hi ſint rixoſi, quod, pacem perturbent. Non ſecus nunc ſcholasticam Theologiam ab ecclesia remoueri volunt Lutherani: tanquam rixoſam mulierem, ſophiſticeſ, vt eccleſiam illa cuſtode deſertam, lupi rapaces eo poſſent opportunius dilaniare.

NONVM TOPICVM PRAEDICAMENTUM Lutheranz theologiae.

**Q**uod non habet expreſſum mandatum in ſcripturis, hoc non eſt admiſſendum. ergo nulli canones, nullæ traditiones, nullæ leges humane, de quibus expreſſum mandatum in ſcripturis non extat, debent admiſſi. philippus in Loc. & paſſim. Lutherus in libro de abroganda miſſa, & vbique.

Ab authoritate ſcripturæ quidem negatiue argumentari fuit olim admodum iuſtimum, affirmatiue ſimiliſimum tamen ita nunc euangelio nuper reperto, commodum videtur, vſum eius vt paucis declatemus, eſſe, neceſſariū exiſtimamus. Negatiue ſic: Verbum *quod* non eſt

est expressum in Scripturis, nec illud. Filioq̃ne, & s̃quam habent sacra Biblia. argo non sunt ex voces ferendæ in Symbolo Athanasiano. Infantes baptizandos esse, non expressit Scriptura. argo non baptizandi. Hoc Anabaptisticū est, illud Arianum: sed utrumq; bellè habet ex topica Lutheri. Ipsum Symbolum Apostolicum non est expressum in Sripturis: ergo nō admittendum. Quin eadem authoritate posset dici, Sola fide hominem iustificari, seruum esse arbitrium, bona opera non esse necessaria, & ἀσπορίαν esse, & id genus infinita, in Scripturis expressum mandatum vel textum non habent. Non admittēda igitur. O quāta infania nostra: sed quāto suauius de his D. Bāsili<sup>9</sup> Magnus? De ijs inquit, quæ scripta sunt, nulla potestas data est omnino, vt aliquid faciat eorum, quæ prohibita sunt: aut omittat quæ præcepta: de illis verò, de quibus tacet Scriptura, Canonem nobis præscribit D. Paul. cū ait: Omnia mihi licent, sed non omnia conducūt. Vtinā vetustas nobis placeret, displiceret nouitas, ne idē ab alijs nationibus cogamur nos Germani audire, quod Græci quondā ab Ægyptijs: γερμανοὶ οὐκ ἐστὶν οὐδαὶς, καὶ οὐκ ἔχον μείζω χρόνῳ πολιοῦ.

## DECIMVM TOPICVM PRÆDI-

camentum Lutheranz theologiae.

**T**ollite malum à vobis, inquit, D. Paulus. Ergo vsus rei, & adeò res ipsa tolli debet propter rei abusus. Et per consequens, propter malos mores Sacerdotum, tollendum erit sacerdotium. Lut. cū alibi passim, tñ in lib. cōtra Papatum.

Affirmatiuè hoc topicum valet potissimè apud euangelicos, apud Catholicos negatiuè in contrarium. Sed quoniā pro illis nunc contra hos agitur, affirmatiuè sint exēpla eiusmodi: Cēlibatus & virginitatis lege abutūtur Sacerdotes, & Monachi, & Moniales. Ergo cēlibat<sup>9</sup> & virginitas abrogētur. Episcopi & Principes abutūtur potestate sua, Ergo tollantur Principes & Episcopi, & horū ditiones, & dignitates, & bona Ecclesiastica rapian-

DE TOP. PRAED.

tur in vsum profanum. Lutherus quidē eiusmodi exēpla pleraq; libris infarfit suis, at praxin huius topices admodum frequentem passim in aulis reliquit.

Commemorat Plutarchus Lycurgū rogatum, quam ferret de vitium cultura legem, respondisse, nullam aliam, nisi vt vites penitus extirpentur, cum vini abusus multorū malorū causa sit & occasio. Rogatus eadem de re Solon: sed hic, vitē, inquit colite, & fontē adducito propius. Forsitan humanius nos Germani Solonē imitemur q̄ Turcæ Lycurgū idē; non tā in vini vfu duntaxat sed multò magis in legitimis sacrarum rerum constitutionibus, quarum sanctiones venerari debebamus: abusum suis relinquere magistratibus corrigendum. Nā vt episcopis dictum est: Tollite malum ex vobis. etenim hi debent mores cleri corrigere, abusum tollere, rem tuam incolumem: sic Laicis est mandatum, vt sinant zizania crescere. Id autem commune omnibus præceptum, vt hæreticum hominem vitemus. Cuiusmodi igitur discrimen sit inter zizania morum, & hæresin doctrinæ, liquidò expressit David: Odisti, inquit, omnes, qui operantur iniquitatem: perdes autem, qui loquuntur mendacium. His ergo ne dicas, Ave, verat Deus, quia exitio digni sint: illos præcepit, vt tolleres, licet digni sint odio. Tantū itaq; est inter malos mores Cleri & hæresin, quantū inter odium & præsens exitium.

Hæc ferè sunt, quæ de top. præd. Luth. theol. nunc per otium annotanda videbantur. Postea vbi plus accesserit occasionis, erit locupletandi oportunitas. Tamen non dubito, fore huius nostri tyrocinij æmulos, qui quemadmodum solet fieri, inuentis aliquid addi posse, non in rem pestiuè cogitabunt.



# METAPHYSICA<sup>7</sup>

## SEV TRANSCENDENTIA

quædam, collecta ex Apologia  
Confessionis Augu-  
stanz.

*Primum Metaphysicum ex Apologia con-  
fessionis Augustanz.*



E Iustitia fidei omnia templa, monaste-  
ria, scholæ, denique omnes libri Theo-  
logorum recentium antea muti erant.  
Ergo fides Catholica extincta fuit, nunc  
autem per Euangelium Lutheri resus-  
citata. Tamen si autem Catholici euin-  
cunt, quod Ecclesia Catholica neutrum probavit unquam:  
tamen quia Lutherus Propheta Elias, ævæ iſta, ideo o-  
porteret verum esse credere.

*Secundum Metaphysicum ex Apologia Con-  
fessionis Augustanz.*

Scholastici doctores secuti philosophos, tantum do-  
cent iustitiam rationis: videlicet, civilia opera. Ergo  
iam annis quadringentis aut plus etiam, extinctum  
fuit Euangelium, & una cum fide ipsa Ecclesia. Quam-  
vis evincunt Catholici, quod Ecclesia Catholica neutrum  
probat unquam: tamen quia Lutherus Propheta Elias  
ævæ iſta, necesse est, ut credatur esse verum.

*Tertium Metaphysicum ex Apologia con-  
fessionis Augustanz.*

Papistæ docent, quod ratio sine Spiritu sancto possit  
diligere Deum supra omnia. Ergo non opus esse vi-  
lo Christi beneficio, sed Christum sepeliunt, & frustra  
mortuum contendunt. Quamquam Catholici evincunt,  
quod

DE MATERIA.

quòd Ecclesia Catholica neutrum probarit vnquam (tamen Scorus in eā sententiam locutus videtur, licet non ita præcisè) tamē quia Luther<sup>9</sup> propheta Elias àuròs iça necesse est, vt credatur esse verum.

*Quartum Metaphysicum ex apologia confessionis Augustanæ.*

**P**apistæ docent, quòd inter philosophiam & iustitiā Christianam nihil intersit. Ergo Papistæ docent Ethnicam & idololatricā fidem, non Christianā. Quamquam Catholici euincunt, quòd Ecclesia neutrum probarit vnquā: tamen quia Germanicus Elias ita testatur, & àuròs iça, ergo necesse est, vt credatur esse verum.

*Quintum Metaphysicum ex apologia Confessionis Augustanæ.*

**P**apistæ docent, quòd per opera nostra mereamur remissionem peccatorum. Ergo docent Christi gratiā non esse Christianis necessariā. Et quamuis Catholici euincunt, quòd Ecclesia Catholica neutrum probarit vnquam: tamen quia Lutherus ita testatur, & àuròs iça necesse est, vt credatur esse verum.

*Sextum Metaphysicum ex Apologia Confessionis Augustanæ.*

**P**apistæ solam historicā fidem docent, assensum omitunt. Ergo docent nullā certitudinem esse fidei, nullam certam consolationem esse posse ex dubia & historica fide. Et quamuis Catholici euincunt, quòd Ecclesia Catholica neutrum probarit vnquā: tamen quia Lutherus propheta Elias àuròs iça, idcirco oportet, vt credatur esse verum.

*Septimum Metaphysicum ex Apologia confessionis Augustanæ.*

**P**apistæ docent, quòd ad pœnitentiam non requiratur fides. Ergo docent, quòd contritione Iudei homines possint iustificari, Tamen quidē Catholici negant Ecclesiam vnquam exclusisse fidem à pœnitentia, sed

sed docuisse semper, ex fide & spe & charitate pœnitentiam proficisci oportere: tamen quia Elias Germanicus ipse dixit, necesse est, ut credatur esse verum.

*Octavum Metaphysicum ex Apologia Confessionis Augustanæ.*

**P**apistæ docent, quod propter contritionem mereamur remissionem peccatorum. Ergo docent, non gratis nos iustificare propter Christum. Tamen Catholici evincunt, quod Ecclesia Catholica neutrum probavit unquam: tamen Lutherus αὐτὸς ἴφα, idcirco oportet, ut credatur esse verum.

*Nonum Metaphysicum ex Apologia Confessionis Augustanæ.*

**P**apistæ docent, posse hominē divinæ legi ex proprijs viribus, absque gratia Christi satisfacere. Ergo docent naturam corruptam non esse, & extenuant peccatū originale, καὶ πελαγיאνοῦσι. Tamen Catholici evincunt, quod Ecclesia Catholica neutrum probavit unquam: tamen quia Lutherus αὐτὸς ἴφα, est verum igitur.

*Decimum Metaphysicum ex Apologia Confessionis Augustanæ.*

**P**apistæ docent, quod vitam æternam proprijs meritis, & operibus, & virtutibus suis possit homo promereri. Ergo docent Ethnicā idololatriam, & simul Christum, & Paulum conculcant. Tamen Catholici evincunt, quod Ecclesia Catholica neutrum probavit unquam: tamen quia αὐτὸς ἴφα, est verum igitur.

Has sanè, generisq̃ eiusdem consimiles calumnias plurimas confinxit Lutherus in ecclesiam, ut illis adeò portentosis, omnemq̃ Christianæ mentis captum transcendentibus mendacijs, Clerum oneraret apud impericam multitudinem: cùm tamen nulla vilius hominis, siue docti, siue indocti oratione possit edoceri, Ecclesiā Catholicam quicquam eorum quæ ille sceleratè cõmentus est, comprobavisse unquam. Quapropter negamus, & si

DE MATERIA.

& si opus sit millies eadem repetentes negamus, Eccle-  
siam ista, quæ falso in Catholicum eorum comminisci-  
tur Lutherus, aut sensisse aut docuisse vlllo tempore. Om-  
nes igitur pios & cordatos viros oramus per fidem Chri-  
sti, ne sediciosi hominibus hæc ista flagitia citra vllum  
probabile argumentum iactantibus, fidē habere velint:  
nunquam enim probabunt quod asserunt, nunquam ob-  
tinebunt vlllo piorum hominum iudicio, quod sine vlla  
ratione, aut testimonijs asseuerant. Monstra enim Luthe-  
ri sunt hæc, non dogmata Ecclesiæ. Sed fingit ipse  
tales Chimeras, & cum his suis portentis  
abs se confictis dum depugnat,  
fraudulenter simulat se  
propugnare Euan-  
gelium Chri-  
sti.

Se-



# SECVNDA

## PARS LIBRI.

DE MATERIA LVTHE-  
rana Theologie.

PRÆCIPVA CAPITA LVTHE-  
ranæ Theologiæ sunt quinq;

*Primum, de doctrina fidei.*

*Secundum, de Sacramentis.*

*Tertium, de Ecclesia.*

*Quartum, de civili potestate.*

*Quintum, de bonis Ecclesiasticis.*

Doctrina fidei.



Doctrina fidei potissimū est de Deo, & de ho-  
mine. Et si autem de Deo quæstiones passim  
reperiātur propemodum infinitæ, de quibus  
Theologi non inutiliter inter se conferre so-  
lent, ut ijs rectè explicatis, aliz cōtentiones  
eo facilius possint explanari: tamen id iam non agitur,  
quòd omnia velimus, sed ea duntaxat afferre in hunc lo-  
cum, quæ syluam quasi præsentium controuersarum cō-  
prehendant & præponant ob oculos: ut impetiores vi-  
deant, quid Lutherus nouerit, quò progressus sit, & quā  
longè eius magistri successores & discipuli à primis Lu-  
theri institutis, atq; ab ipsa cōfessione Augustana pede-  
tentum distracti profuerint.

*Hæreses in Doctrina de Deo.*

Seruetus nuper supplicio affectus, fertur negasse Deū  
esse trinum, & alia pluraq; eiusdem generis similia.

Matthias Flaccius Illyricus negat vnquam in scri-  
pturis sacris vocabulum, ὁ λόγος, reperiri in tali significa-  
tione, ut personā Trinitatis diuinæ significet. Philippus  
Melancthon, in sua epistola ad concionatorē Barbensem  
M. V. Varnerum.

*Hæreses seu nonæ opiniones Lutheravorum de  
doctrina hominis.*

Quò

DE MATERIA

**Q**Uæ res tota fiat illustrior, placet doctrinâ de homine in quatuor status partiri, vt primus sit de homine nondû lapso, & de gratia Paradisi: secundus de homine lapso, & de lege Moïsis: tertius de homine inſtaurato, & de euangelio: quartus de homine extra omnem moleſtiam conſtituto & beato, & de felice Patria.

*De primo Statu hominis.*

*De imagine Dei.*

**A**ffirmât Lutherani, quod ea Dei imago, quâ D. Paulus virum appellat, ſit incarnatum verbum, ipſeque adeo Ieſus Chriſtus, Filius Dei & Mariæ. Et quælibet hominẽ, dũ Chriſtũ induat, eandẽ Dei imaginẽ fieri: ſcilicet eandẽ (ſicut ipſe Oſiander exponit) ſpecie, non numero Oſiander in ſuo libro, quẽ de imagine Dei inſcripſit. Error Manichæus & Apollinarius.

In contrarium aſſerunt, quod imago Dei ſit in mente vera notitia Dei, in voluntate ardens dilectio & obedientia. Phil. Melanthon in lib. de anima. Confuſio imaginis & ſimilitudinis Dei.

Aſſirman, quod imago Dei non ad ſolam mentẽ hominis, ſed etiam ad corporeã hominis naturã pertineat. Oſiander in eodẽ lib. Luth. in Comment. in Genefin. Error Audianus.

In contrarium aſſerunt, quod imago Dei ſit celeſtis illa puritas, quã ſpiritus noſter habiturus eſt in felice patria cum Deo conformem. Calvinus institutionis ſuæ cap. 2. Confuſio peregrinationis præſentis, & futuræ felicitatis patriæ.

*De Iuſtitia Originali.*

**A**ffirman, quod Numas, Scipio & ſimiles viri Ethnici, Deo ad vitã æternã accepti fuerint propter egregias illorum & naturales virtutes. Vlrichus Zwinglius, teſte Luthero in vltima Confefſione ſua de euchariftia aduerſus Suermeros. Error Pelagianus.

*De Secundo Statu hominis.*

*De lege.*

**A**ffirman, quod lex neque ante, neque poſt iuſtificationem ſit neceſſaria ad ſalutẽ. Miniſtri Saronicarum.

rum ecclesiarum suo in Georgium Maiorem damnato-  
rio lib Ioan Agricola in collect. sententijs Lutheri, error  
Manichæi, & Marcionis.

In contrariū asserūt quòd lex sit necessaria. Lutherus  
in suis disputationibus contra Antinomos.

Affirmant, quòd decē pręcepta ad nos nō pertinent,  
sed ad solos Iudęos. Lutherus in sermone de Mose. er-  
ror Manichęus.

In contrarium asserunt, quòd decem pręcepta diligē-  
ter prędicari debeant: in eis enim omnia bona opera cō-  
tineri. Luth. in visitatione Saxon. & in disputationibus  
contra Ioannem Agricola.

*De Peccato.*

**A**ffirmant, quòd peccatum sit res quędam rea, exi-  
stens in homine. Lutherus in assertion. cōtra Leo-  
nem. Philip. Melanthon in locis communibus. er-  
ror Manichęus.

In contrarium asserunt, quòd peccatum originale sit  
morbus duntaxat, non verē, aut propriē peccatum Vli-  
chus Zwinglius in libro de baptismo. error omninō Pe-  
lagianus.

Affirmant, quòd cōcupiscentia & reliqui defectus, ut  
ignoratio & contēptus Dei, &c. sint originale peccatum  
etiā in sanctis & baptizatis infantib. Luth. in assertioni-  
bus cōtra Leonē, & passim Melanthon in Apologia Con-  
fessionis Augustanę, & multis alijs in locis. error Mani-  
chęus & Anticassanorum.

In contrariū asserūt, quòd cōcupiscentia per se nō sit  
peccatū, sed cōsensus in concupiscentiā. Lutherus in. 4.  
Psal. & de ratione confitendi: item in assert. art. 2.

Affirmant, quòd omnē peccatum sit per se & suapte  
natura mortale, per se nullum veniale, Luth. in art. per  
Theologos Parisien. damnaris. Calvinus institutionis  
suz cap. 3. Philipp. in Locis. Error Stoicus & Mani-  
chęus.

Affirmant, quòd sola incredulitas sit peccatum, &  
nulla esse alia peccata pręterea. Lutherus in lib. de liber-  
tate Christiana. Philippus in annotat. in Ioannem. Error  
Euno-

## Eunomianus.

Affirmant, quod peccatū verè ac realiter non tollatur per baptisum: sed remitti tantū, non ut non sit, sed ne esse imputetur. Luth. in assert. Philip. in Locis, & Cōment. ad Rom. Error partim Pelagian. partim Manichæus.

*De Libero Arbitrio.*

**A**ffirmant, quod omnia tā mala, quàm bona eueniāt ex absoluta necessitate, adeoq; quod Deus sit nō solum causa peccati permissiue, sed effectiue etiam. Luther. in resolut. art. 36. & in assertionibus & Philip. in annotat. ad Ro. Error Stoicus & Manichæus.

Affirmant quod adulterium Dauidis, scuitia Manij, & proditio Iudæ æquè sint opus Dei, atq; ipsa Pauli cōuersio. Philip. Melanthon in annota. suis in epistolā Pauli ad Rom. Luther. in lib. de seruo arbitrio. Error Stoicus & Manichæus.

In contrarium affirmant, quod liberum arbitrium habeat homo. Luthe. in explicatione Pater noster, & in lib. viſtra. Phil. in ult. editione Locorum.

Affirmant quod peccet homo, si faciat præcepta Dei nō existens in gratia: & quod bonum opus etiā optimè factum sit veniale peccatum secundū misericordiā Dei, sed mortale iuxta iustū Dei iudicium. Lutherus in assertionibus. 32. art. Philippus in Apologia Confessionis.

In contrariū asserunt, quod homo possit liberū assensum præbere, Philip. in Locis communibus vltimis.

Negant vicissim, quod homo possit præbere verbo Dei liberum assensum. Ioan. Stolcius in defensione Lutheri aduersus Ioachimum Camerarium. Nicolaus Galus & Illyricus in libro suo, quo rationes reddunt, quod ipsi non sint autores discordiarum inter Cōfessionistas, & alibi.

*De Tertio Statu hominis.**De Euangelio.*

**A**ffirmant, quod euangelium prorsus nullam habeat vim legis aut mādātī: solummodò requirere, ut credamus, cætera opera omnia esse liberrima. Lutherus in Comment. in epistolam Pauli ad Galat. & in præfatio.



fatione noui testamenti, quod non sit aliquod in euangelio præceptum à Deo. Idem in captiuitate Babylonica.

*De dispositione ad gratiam.*

**A**ffirmant, quod nulla præparatio seu dispositio ad suscipiendam gratiam Dei sit necessaria: imò quod contritio præcedens gratiã, sit peccatum. Lutherus in assert. Philippus in Hypothesibus, in loco de libero arbitrio.

Affirmant, quod quanto sceleratior es, tãto citius Deus tibi gratiam infundit: si autem adornes te, vt cattus, bonis operibus vt te Deus acceptet, nihil efficias: Luth. in sermon. de piscatione Petri.

In contrarium asserunt, quod ad suscipiendam gratiã Eucharistiæ, opus sit fide & pœnitentia. Philippus in locis.

Affirmant, quod sola fides iustificet & saluet hominẽ, nec vllò bono opere, nec vlla lege opus esse homini Christiano ad salutem: quia nihil personam bonam faciat, nisi fides: nihil malam, nisi incredulitas. Lutherus in assertionibus, & Philippus in decimosexto capite Ioãnis. Error Euenomianus.

In contrarium asserunt, quod sola fides non sufficiat, sed etiam charitate sit opus. Lutherus de decem leprosis, & super Ionam: & Philip. in Lypsico Interim, quod de vocabulo Sola, non velit pugnare.

Affirmant, quod sua quisque speciali fiducia queat certus esse, vtrum sit in gratia Dei, vel non: nulla habitatione charitatis, nulla pœnitentiæ, nulla bonorum operum. Lutherus de libertate Christiana, & in assertionibus art. 1. & passim.

*De iustificatione hominis.*

**A**ffirmant, quod iustificari, sit absolui hominem à peccatis, & illum iustum renuntiare, non de facto iustum fieri, sed imputatiuè tantum: quia verè peccator maneat, & in eo solo iustificetur, quod cõfideat peccatũ sibi nõ imputari. Philip. in Annot. in. 4. cap. epistolæ ad Roman. Idẽ in postrema editione in eandẽ epistolã. Et ministri Saxonicarum Ecclesiarum in censura sua

contra Georgium Maiorem. error epicureus, & sunomianus, & Gerdonianus.

In contrarium asserunt, quòd hominem intelligi oporteat iustum, id est, reconciliatum Deo, facta remissione peccatorum, & acceptum Deo, deinde indutum novis qualitatibus. Philippus in ultima editione Commentariorum in epistolam ad Romanos, in ipso argumento epistolæ.

Affirmant quòd iustitia ea, quæ Christi propria est, imputetur homini: & cum Christus sit extra hominem, idcirco hominem, in hac vita verè iustum esse non posse. Lutherus in tertia disputatione de fide, & in quinta contra Antinomos. error epicureus.

In contrarium affirmant, quòd Christus per fidem & gratiam in nobis habitet. Philippus in suo scripto adversus Osiandrum, & in Commentario, ad Romanos ultimæ editionis.

Affirmant, quòd ea iustitia Dei, qua homo debet iustus constitui, sit neque essentia divina, sicut Osiander & Suencfeldius voluerunt, neque actio aliqua aut qualitas, ut papistis placet: sed quòd sit nuda relatio tantum. Philippus in disputatione ea, quæ habita est præfidente Philippo, & respondente M. Tilemanno Heshusio, & in libro examinis. error epicureus.

In contrarium affirmant, quòd ea iustitia Dei, qua hominem Deus induit, sit ipsa essentia divina, & natura. Osiander in lib. Confessionis suæ: & Caspar Suencfeldius in lib. de euangelio Christi. error Stoic⁹ & Manich.

Affirmant, quòd præter solam fidem nulla sit iustitia inherens in homine iustificato, quæ iudicio Dei possit opponi, Philippus in Apologia Confessionis Augustanæ, & in Annotat. in. 16. cap. Ioan. Error sunomianus.

In contrarium affirmant, quòd homo iustus fiat originali & essentiali iustitia Dei, Lutherus in lib. de triplici iustitia.

De diversis modis iustificandi  
hominis.

Affir.

**A**ffirmant quòd vna ratio sit iustificandi hominis, & adulti, quàm infantis, scilicet vtrobique nihil requiri, nisi solam fidem. Ministri Saxonicarum ecclesiarum contra Georgium Maiorē. error Anabaptisticus.

In contrarium asserunt, quòd non sola fides, sed bona opera etiam sint ad iustificationem necessaria Georgius Maior cum alibi, tum in Comentarijs ad Romanos, & alijs suis contra Illyricum scriptis.

Affirmant, quòd in relapsis neq; contritio (quia hæc sit peccatum) neq; pœnitentia sit necessaria ad iustificationem, & quòd neque opera pœnitentiæ, neque Sacramenta faciant remissionem peccatorum, sed sola fides, Lutherus contra Leonem in Assertionibus.

In contrarium affirmant, quòd absq; pœnitentia nulla sit peccatorum remissio, neque possit remissio peccatorum absque pœnitentia intelligi. Lutherus in libro visitationis: & Georgius Maior in. 8. caput ad Romanos.

Affirmant, quòd peccata actualia remittantur, non tollantur formaliter, sed quòd solùm tegantur, & verè peccata maneat etiam in Sanctis. Lutherus in quinta disputatiōe contra Antinomos: & Philip. in Apologia.

*De Officio hominis iustificati.*

*De impletionem legis.*

**A**ffirmant, quòd homo Christianus liber sit ab omni legis obseruatione ab omnibus bonis operibus: quòd Deus, hæc neq; præceperit, neq; vetuerit, & his etiam ipse non indigeat, sed sola fides ea omnia largiatur abundè. Lutherus in libro de libertate Christiana, & alibi passim: & ministri Saxonicarum Ecclesiarum in Georgium Maiorem.

Affirmant, quòd omnia præcepta in euangelio vim mædant habeant, & nulla sint in eo consilia. Philippus in locis.

In contrarium negant, vllum esse in euangelio præceptum. Lutherus in præfatione noui testamenti.

Affirmant, quòd Lex Dei nobis planè sit impossibilis, etiam Sanctis: sed nos eā implere sola fide, nullo opere. Lutherus in articulis damnatis per Parisienses Theolo-

## DE MATERIA

In contrarium asserunt, quòd vitę Christianę sit, bona opera facere: idcirco enim Decalogum proponi & prædicari oportere. Lutherus in visitatione Saxonica.

Affirmant, quòd Deus ipse in nobis faciat & impleat opera legis, non nos. Lutherus in lib. de libertate Christiana.

In contrarium asserunt, quòd nos oporteat inchoare diuinę legis opera. Philippus in locis communibus.

Affirmant, quòd homo iustificatus vel sanctus, sit simul peccator & iustus, & bona opera, quę faciat, æquę mala esse, ac bona. Lutherus in Assertionib. contra Leonem.

### De satisfactione.

**A**ffirmant, quòd nulla satisfactio (scilicet pro miranda pœna temporali, vt Catholici censent) sit necessaria in remissione peccatorum, imò quòd sit omnino impossibilis. Lutherus in Assertionem. Philippus in Apologia, & passim.

In contrarium asserunt, quod vetustissima Concilia rectę stauerint modum pœnitendi & satisfaciendi pro peccatis. Lutherus in Resolutionibus suis, & in Assert.

Affirmant, quòd neque charitas, neque pœnitentia, neque vlla bona opera sint necessaria ad salutem. Lutherus in Commentario ad Galatas: & Ministri Ecclesiarum Saxonicarum in Georgium Maiorem sua censura.

### De Merito.

**A**ffirmant, quòd nullus sit respectus siue bonorum siue malorum operum. Philippus in 3. cap. Ioannis Annotationum suarum.

In contrarium asserunt, quod bona opera mereantur præmia præsentis vitę & futurę. Philippus in cõmuni loco de præmijs: & Lutherus passim.

Affirmant, quòd bona opera (etiam præsupposita gratia) non mereantur vitam æternam. Philippus in locis communibus de præmijs operum.

In contrarium asserunt, quòd opera bona, in gratia Dei facta, vitam consequantur æternam. Lutherus in Assertion. artic. 29.



**A**ffirmant, quòd Sanctos oporteat ea iustitia, qua Deus ipse essentialiter iustus est, fore iustos in cœlesti patria. Ioannes Brentius sua ad Ducem VVittembergensem epistola, edita VVittembergæ, Anno. 1557.

Affirmant, quòd idololatria sit interpellare Sanctos iam cœlesti patria fruantes, ut velint pro nobis intercedere. Lutherus in Assertio. & passim. Philippus in Apologia.

In contrarium asserunt, quòd meritum quidem Christi sit thesaurus Ecclesiæ, certum tamen esse, Sanctorum meritis iuari nos. Lutherus in decima conclusione adversus Eccium.

Affirmant, quòd animæ Sanctorum nondum, nisi post resurrectionem, possint frui cœlesti patria & conspectu Dei: sed eas retineri in aliquo loco, in quo quasi quiescant: Sanctorum quidem animæ suauiter, damnatorum verò inquietè & formidolose. Luth. in prælect. Gene.

*De Christo iustificante.*

**A**ffirmant, quòd Christus iustificet genus humanum secundum solam diuinam naturam. Ostendit in libro confessionis sue. Error Nestorianus.

In contrarium asserunt, quòd Christus iustificet genus humanum iuxta solam humanam naturam. Franciscus Stancarás, contra Andream Musculum Francfordiensem concionatorem scribens. Error Arrianus.

Affirmant, quòd Christus etiam passus sit secundum diuinam naturam. Andreas Musculus ex sententia Lutheri, edita Francfordiæ ad Oderam. Error Valentinianus.

Affirmant, quòd posteaquam Christus ascendit in celum, humana eius natura sit conuersa in diuinam. Caspar Suencfeldius in libello Latino de duobus statibus Christi. Error Eurychianus & Dimaxitarum.

DE MATERIA

*De Sacramentis.*

**N**egant esse septem Sacramenta. Lutherus in libro de captiuit. Babyl. Error Catharorum.

In contrarium asserunt, quòd sint septem Sacramenta. Lutherus lib. de potestate Papæ.

Affirmant, quòd si iuxta Scripturam loqui velimus, vnum sit tantum Sacramentum. Lutherus in libro de captiuitate Babylonica.

In contrariū asserunt, quòd duo tantū sint Sacramenta, Baptismus & cœna Domini. Lutherus ad V Valdenses. Philippus in Annotationibus ad Rom. in. 11. cap.

Affirmant, quòd tria sint Sacramenta ponenda pro tempore, baptismus, cœna Domini, & pœnitentia. Lutherus in libro de captiuitate Babylonica. Philippus in secunda editione locorum communium.

In contrarium asserunt, quòd Sacramenta sunt quatuor, baptismus, cœna Domini, clauis, & impositio manuum. Philippus in postrema editione locorum.

Affirmant, quòd hæretica sententia sit affirmare, Sacramenta gratiam conferre eis, qui non opponant obicem. Lutherus in assertionibus, & resolutionibus, contra eccium, Fons erroris Suencfeldiani, & antiquus error Armenorum.

*De Baptismo.*

**A**ffirmant, quòd baptismus non sit plus, quàm externum signum. Lutherus in sermone de recumbentibus. Error Zuinglianus & Albanensium.

In contrarium asserunt, quòd deestandi sint Suermerij, qui Sacramenta tantum habeant pro externis signis: quibus Christiani signentur, quasi oues creta rubra. Lut. in epist. aduersus Regem Angliæ.

Affirmant, quòd in puero post baptismum negare remanens peccatum, sit Christum & Paulum simul conculcare. Lutherus in assertionibus. Error Armenorum & Albanensium.

In contrariū asserunt, quòd baptismus omnia peccata remittat. Lutherus in libro de captiuitate Babylonica.

Affirmant, quòd præstat prorsus omittere baptismum  
in par-

in paruulis, quàm baptizare sine fide, quoniam Sacramenta neque possunt, neque debeant sine fide accipi. Lutherus ad VValdenses. Error eucetarum, qui solam orationem dicebant sufficere. Fons Anabaptistarum.

*De Confirmatione.*

**N**egant confirmationem esse Sacramentum. Lutherus de potestate papæ. Error Viclephi, & Piccardorum.

*De Eucharistia.*

**N**egant verum & substantiale corpus Christi porrigi aut sumi in communione eucharistiz. Zuinglius de verbis cœnæ Domini. Tigurina ecclesia contra vltimam confessionem Lutheri. Calvinus in libello confessionis. Error Berengarianus.

Affirmant, quòd corpus & sanguis Domini accipiendum in verbis cœnæ Domini per metonymiam, & mysticè, non realiter. Ioannes Calvinus in lib. contra Ioachim VWestphalum.

Negant panis & vini substantiam transselementari in corpus & sanguinem Domini. Lutherus contra Regem Angliæ, & de captiuitate Babylonica: & Philippus, & omnes Lutherani.

In contrarium asserunt, quòd panis in verum & naturale corpus Christi, & vinum in verum & naturalem sanguinem Christi transmutatur. Lutherus in sermone de Eucharistia, & in lib. visitationis.

Negant Eucharistiam extra vsum communionis esse Sacramentum. Philip. in locis.

Affirmant, quòd Iudas & alij impij non accipiant verum corpus Domini. Suencfeldius in libro de Cœna Domini: & Calvinus contra VWestphalum.

Negant sub vna specie rectè participari integrum corpus & sanguinem Christi. Lutherus in libro de captiuitate Babylo. Idem clamitant omnes Lutherani.

In contrarium asserunt, quòd sub vna specie æquè, ac sub vtraque integer Christus cum corpore & sanguine exhibeatur. Lutherus respondens suis Collectoribus, in cathalogo sententiarum, & in declaratione Eucharistiz.

DE MATERIA

Ac iterum asserunt, quòd neutra species, sed sola fides sit necessaria ad salutem. Lutherus in assertionibus artic. 16. & de formula Missæ. Fons Suencfeldianorum, & Zuinglianorum.

Negant corpus Domini in Sacramento Eucharistiæ adorandum esse. Lutherus ad VValdenses.

In contrarium asserunt, q̄ sicut Magi in terra adorabant Christum, sic in Eucharistia posse fieri. Lutherus ad VValdenses.

*De præparatione ad Eucharistiam.*

**A**ffirmant, quòd sit perniciosus error, si quis accedat ad Sacramentum Eucharistiæ ea nixus fiducia, quia sit confessus, quia non sit sibi cōscius alicuius mortalis peccati, quia orationes suas & præparatoria præmiserit. Eos enim, qui id faciunt, sibi iudiciū manducare & bibere: imò eo melius illum accedere, quo sit peccatis onustior. Lutherus in sermone de præparatione ad Eucharistiam, & in assertionibus. 2. art. & Philippus in vndecimum caput ad Roman. annotationum suarum.

In contrarium asserunt, quòd nemo debeat admitti ad Sacramentum Eucharistiæ, nisi prius dispositus fuerit ad Sacramentum. Lutherus in libro de captiuitate Babylonica: & Philip. in locis.

*De sacrificio Missæ.*

**N**egant Missam esse opus bonum, vel esse sacrificiū. Lutherus in libro de captiuitate Babylonica. Philippus in locis.

In contrarium asserunt, quòd Missa sit pars euangelij, & quòd Missæ valeant pro viuis & defunctis, à tota esse approbatum Ecclesia. Lutherus de captiuitate Babylonica, & in. 10. præceptis.

*De pœnitentia.*

**N**egant pœnitentiam esse Sacramentum, sed esse duo Sacramenta duntaxat, baptismum & Eucharistiam. Lutherus in libro visitationis: & Philippus in annotationibus in Epistolam ad Roman. Lutherus de captiuitate Babylon.

In con.



In contrarium asserunt, quòd pœnitentia sit Sacramētum. Lutherus in captiuitate Babylonica, & in libro visitationis. Philip. in 3. editione auctorum locorū, cūm tria Sacramenta ponit.

Negant, quòd hæ tres, contritio, confessio, & satisfactio sint partes pœnitentiæ: sed quòd sint duæ tantūm contritio & fides. Philippus in Apologia, in loco de pœnitentia.

In contrarium asserunt, quòd tres sint partes pœnitentiæ, cōtritio, fides, inchoatio bonorū operum. Philippus in vltima editione locorum communium.

*De Contritione.*

**A**ffirmant, quòd contritio ea, quæ præcedit gratiam remissionis, omnino sit peccatū. Lutherus in assertionibus contra Leonem.

In contrarium iā negant, contritionem esse peccatū, sed quod sit prima pars pœnitentiæ. Philippus in Apologia & locis.

*De confessione.*

**A**ffirmant, quòd peccata debeāt homines sua recensere iuxta præcepta decalogi. Philippus in loco cōmuni de confessione.

In contrarium negant, auricularem confessionem esse necessariā, sed esse carnificinam conscientiarum. Lutherus in Resolutionibus & de decem leprosis. Philip. in loco de confessione.

*De Satisfactione.*

**N**egant vllam esse posse satisfactionem (scilicet pro temporali pœna) sed Christum satisfecisse pro culpa & omni pœna. Lutherus in assertionibus: & Philippus in Apologia.

In contrarium asserunt, quòd Ecclesia sancta mater pro pio affectu manum Domini prœuentura, castigat filios suos satisfactionibus quibusdam, ne incurrant flagella dei: & quòd sint tres partes satisfactionis, ieiunium, oratio, & eleemosyna. Luth. in Resol. 3. conclus. contra Eccium.

## DE MATERIA

### *De Sacramento Ordinis.*

**A**ffirmant, quòd nullū sit neq; visibile, neq; externū, neq; verum sacerdotium in nouo testamento, nisi quod humanis mendacijs per Sathanam erectū. Luther<sup>us</sup> in libro de abrogāda Missa ad Senatū Pragensē, & libro de captiuitate Babylonica.

In contrariū asserunt, quòd sacerdotes honorādi sint, & quòd ordinatio ministrorum sit Sacramentum. Lutherus in libro visitation. Philippus in vltima editione locorum communium.

Affirmant, quòd omnes homines sint Sacerdotes, & possint ligare & soluere & vti clauibus. Lutherus libro de captiuitate Babylon.

In contrariū asserunt, quòd sit ordo in Ecclesia, vt alij doceant & ministrent in Ecclesia, alij obediant ministris euangelij. Philippus in locis vltimæ editionis.

### *De Matrimonio.*

**A**ffirmant, quòd matrimonium non sit Sacramentum, sed ab hominibus in Ecclesia inuentū, ignorantia tā rei, quā verbi adductis. Luth. in libro de captiuitate Babylonica, Philippus in locis.

In contrarium asserunt, quòd matrimonium verè sit Sacramentum, & quòd diuinitus institutum, possit probari ex Paulo Ephe. 5. Lutherus in sermone de matrimonio.

### *De Extrema vñctione.*

**N**egant extremā vñctionē esse Sacramētum, sed esse signum hominum. Lutherus in libro de captiuitate Babylonica. Philippus in locis.

In contrariū asserunt, quòd extrema vñctio sit Sacramentum. Luth. in libro de præparatione ad mortē, & de potestate Papæ.

### *De Ecclesia.*

**A**ffirmant, q̃ Ecclesia sit inuisibilis & spiritalis, & sola fide perceptibilis. Lutherus in libro cōtra Ambrosium Catharinum, & Philippus in Apologia.

In contrariū asserunt quòd Ecclesia sit cœtus visibilis, externisq̃ insignita signaculis. Philip. in locis communibus

nibus in loco de Ecclesia.

Affirmant quòd Ecclesia nō sit alligata ordinariæ successioni, hoc est neq; continuationi temporis nusquā interrupti, neq; vniuersitati locorum, sed gregem esse passim dispersum in orbe terrarū: adeoq; vt vox ista Catholica, queat expungi ex Symbolo, & pro ea reponi, Christiana. Lutherus de ecclesia, & libro contra Papatum, & passim. Philip. in diuersis editionibus

In cōtrarium asserunt, quòd Ecclesia sit Catholica, & que errare non possit. Philippus in præfatione explicati Symboli: & Lutherus in explicatione. 10. præceptorū & in Resolutionibus contra Eccium.

*De Potestate Ecclesiæ.*

**A**ffirmant, quòd ecclesia nullā habeat potestatem vnius syllabæ constituendæ super Christianū hominē & quòd frustra iactetur arbitriū Ecclesiæ, & potestas Papæ. Lutherus de falso statu cleri, & in libro de captiuitate Babylonica, & contra Catharinum.

In contrarium asserunt, quòd potestas ecclesiæ sit potestas Christi, ludificationemq; Sathanæ esse, affirmare, quòd ecclesia, si quando erret aut peccet ideo non sit Ecclesia. Lutherus in sermone de excommunicatione, & de abroganda Missa.

*De Traditionibus Ecclesiæ.*

**A**ffirmant, quòd in manibus ecclesiæ aut Papæ prorsus nō sit statuere articulos seu Canones fidei, seu bonorum operum. Lutherus contra Ambrosiū Catharinum.

In cōtrarium asseritur, quòd ideo positi sint Canones Patrum, vt dirigant populum. Opus enim esse infirmis non secundum hominem veterem iustificatis, vt certis officijs, diebus, modis, vigilijs, ieiunijs, laboribus, orationibus, disciplinis, & similibus, quibus perueniāt ad perfectionem interioris hominis. Lutherus in explicatione decem præceptorum.

DE MATERIA

De virginitate & casta

vita.

**A**ffirmant, quod cœlibatus, virginitas, aureolæ, nuge sint & mera Sathanæ mendaciâ. Lutherus in libro de votis.

In contrarium asserunt, quòd sacrilegium, sit castitatem polluere. Luther. in explicatione decem præceptorum.

De Potestate civili.

**A**ffirmant, quòd inter Christianos nulla sit superioritas. Lutherus in secundo libro de potestate seculari.

In contrariū asserunt, quod Scriptura doceat, ne Principi populi tui maledicas. Lutherus in explicatione decem præceptorum.

Affirmant, quòd Principes nostri sint mendaces & obstinati, nec homines ratione præditi, sed Germanicæ bestię, *vulibrat im himel*. Lutherus in epistola sua contra duo mandata Cæsaris, & in libro de seculari potestate.

Affirmant, quod nulla alia sit spes remedij, nisi renovato libertatis euangelio, secundum ipsum semel extinctis omnium hominum legibus, omnia iudicemus & regamus. Lutherus de captiuit. Babylonica.

In contrarium asserunt, quòd omnis potestas, à Deo sit, & licet rusticos premant Principes, aut ciues, aut Sacerdotes: tamen sint ferendi. Lutherus in explicatione decem præceptorum.

Affirmât, quòd Deus orandus sit, ne obsecratis Principibus obsequamur, vel in militiâ ire, vel dare aliquid contra Turcas: quandoquidem Turca decies probior prudentiorque sit, quàm nostri principes. Lutherus contra duo mandata Cæsaris.

De Legibus humanis.

**A**ffirmant, quòd prorsus nullis hominū legibus teneamur. Lutherus de iudicio Christianæ cong.

In contrarium asserunt, quod cū Euangelium non abolet leges aut politias, nos oporteat illis obedi-



re. Philippus in communi loco de ciuilibus Magistratibus.

Affirmant, quòd nulla respublica feliciter gubernetur legibus. Lutherus in art. per suos Collectores taxatis.

Affirmant, quòd nullis prorsus resistendum sit, neque Turcis, neque alijs aduersarijs, iuxta præceptum Christi dicentis. Si quis te percusserit in maxillam dexteram, præbe illi & sinistram. Lutherus in resolutionibus Conclusion. 5.

Affirmant, quòd præliari contra Turcas, sit repugnare Deo punienti nos per Turcicam tyrannidem. Lutherus in Assertionibus artic. 24.

*De fructu quinti Euangelij.*

**A**ffirmant, quòd ex Euangelio Lutheri homines multò deteriores facti sint, quàm vnquam ante fuerint in Papatu. Lutherus in sermone in Dominica Aduentus.

*De bonis ecclesiasticis.*

**Q**uid Lutherus de Ecclesiasticis bonis senserit, nō tā ille libris expressit suis, quā bellè instruxit fiscales magnatum: nec ipsæ tacent Ecclesiæ passim: quas ira laceratas cernimus, omnique ornatu exutas ac squabdas: vt nemo queat dubitare, quin ungues Harpyarum in extremis hæcant sacrilegijs. De quibus nunc nomē claritas facere, intempestiuum est: versatur enim res ista in cute leporini capitis: nobisque sic cogitandum omnino est, vt sapienter Sophocles admonuit.

Nos non videmus, quid moliantur Principes.

Deo aut dubiè curæ est, eritque semper Ecclesia sua. Ferunt Aquilinas pennas (Plutarchus refert) aliarū auium plumas, si cum his illæ cōmiscantur, admodū auidè absumere, & citò: & non ita multò pòst, vbi has absumpserint, se ipsas demum consumere. Vidimus in spoliatis Ecclesiarum bonis exempla similia: ac nisi plena essent inuidiæ, plurima referre possemus: siquidem publicis ætarijs atque opibus deuoratis, inedia multorum iam corpe in Ecclesiæ ossa artrodere.

Sed est, vt Atossa ad Darium ait, apud Æschylum.

ὦς ἰδὼς

# DE CONCORDIA

ὅς ἐστιν τὸ πᾶσι, παρ' ὅσους οἱ ἄνθρωποι κακοῦ.

Deus ipse vindex erit, cum leges dormiant, cū iura obmutuerint, cū ibi sint iustitiæ limites iam fixi, vbi finē determinarit gladius. Quare omitamus hæc, quæ nostræ palestræ non sunt, & quod eruditorum hominum est, doctrinam tueamur ecclesiæ.

Syluam sanè assertionum Lutheranicarum cōplexus sum ea methodo, qua potissimū id adeò varium chaos comprehendi posse videbatur. Nec ignoro, plures posse nouas opiniones ac hæreses recenseri, quando vtrò citroque tot passim grassentur, quot sensus hominum priuam existant: sed minutiores illas persequi nolebā, ratus omninò sufficere, si crassiores, tanquā in tabula depictæ animaduerti possent: vt si quis θυρίομαχον aduersus eiusmodi beluas vellet, ne nescius esset, quibus in spelæis soleant latitare. Dabitur autem breui, vt spero, integra aliqua huius trimembris Lutheraniæ theolo-

logiæ refutatio, opposita orthodoxa

doctrina Catholicæ

Ecclesiæ.

TER.

# TERTIA

## PARS LIBRI.

DE SVCCESIONE ET CONCORDIA  
discipulorum Lutheri in Augu-  
stana Confessione.



Toici obijcere Epicureis solebant, cur  
cū domi differerent, nullos esse Deos,  
foris tamē publicas aras illis consecra-  
rent, cultumq; præstarent diuinū. Qui-  
bus Epicurei respondebāt, sint ne Dij,  
nec ne sint, difficile negari posse, si in  
concione quærat: sed in eiusmodi sermone & con-  
fessu privato, facillimum. Non profectò absimile quid-  
dam nunc soboles Lutheri: domi enim tanquam fra-  
tres Cadmei altercantes inter sese, ita omnem religio-  
nem tractant, vt nullā penē suæ Confessionis Augusta-  
næ certitudinem relinquant: cū eandem tamen sic  
propugnant foris, quasi rem agant seriò. Nam in con-  
sultationem quando ventum est, eam istā doctrinæ suæ,  
quasi confessionem proponunt, deiciantque adco in ea  
concordes esse, vt in fundamento nihil dici possit, aut  
cogitari concordius. Ac si qua fronte id faciant, dubites,  
nihil aliud te oportet, quàm quòd de Epicureis scribit  
Plutarchus, statuere, illos aliud domi sedendo solere, a-  
liud stando foris agere. Eam verò Lutheranicæ sobolis  
autem si qui fortè non satis intellexerunt hactenus, non  
dubie, vt arbitror, poterunt hinc cognoscere, si animad-  
uertant, num verè, an fictè, vt epicurei Dēi, sic illi con-  
fessionis suæ consensum atq; religionem domi veneren-  
tur. Ad cuius rei non incertum iudicium proderit ex pri-  
marijs Lutheri discipulis duces aliquot proferre, easque  
in suas sectas digerere, & in familias: vt inde euidenter,  
possit, quàm scèdè inter se digladiantur, animaduerti: va-  
nissimumq; esse, quod falso gloriantur, ipsos esse in con-  
fessio-

fessionis suæ fundamento cōcordes. Sed aliū aliquid  
to eam genealogiam ordiar.

Lutherus confestim, vbi tragiæ suæ esset prorasi  
exorsus, tumultuabatur sanè vehementer, & vt solet sub  
initio epitascos tragicę euenire, sese in formas varias tur  
basque vertebat, quoad Lutheranismi sui corpus ali  
quod & ventrem pararet, ederetque tandem partum  
conceptę pestis suæ. Ad cuius partus fortunam haud du  
biè operam cōtulerunt suam Draco vetus, vt pronubus,  
& septriceps illa bestia, & ipse Pseudopropheta, vt pa  
rentes: etenim ex ore istorum (vt in Apocalypsi Ioannis  
est) prodierunt tres illi spiritus immundi, ranarum simi  
les, Homologistę, Sacramentarij, Anabaptistę. Et quan  
di, Homo quam hi ipsi tres immundi spiritus tanquā vulpes Philo  
logistę. sticę, capitibus longè sint lateq; disunctissimi: tamē cau  
Sacramē. dis ita sunt inter se (vt segetem Domini incendere pos  
sint) concopulati, vt nulla penè nunc reperiatur in tota  
tarij, Ana. Europa hæresis, quæ non aut Homologistarum, aut Sa  
cramentariorum, aut Anabaptistarum caractere mentē  
baptistę. gerat insignitam: ne, si cupias agnoscere, queat deesse cui  
dens indicium ex istis tribus spiritibus, cui quis potissi  
mum adhæreat mancipatus.

Et quò propiùs possis certiusq; singulos illorum im  
mundorum spirituum caracteres deprehendere, septē  
quidem infligit Deus propter peccata plagas mūdo, sed  
has in tribus elementis exprimit in aqua, in aëre, in igni:  
vt constet, quo quis genere peccet, eodem soleat etiā di  
nitus puniri. At pressius idem.

Quia tres sunt, qui testificantur in cœlo, Pater, Verbum,  
& Spiritus sanctus, & hi tres sunt vnum. Et tres sunt, qui  
testificātur in terra, Spiritus, Aqua, & Sanguis: & hi tres  
in vnum sunt. Hoc posterius testimonij genus ipse  
Christus instituit, confirmauitque in terra, cum alijs  
tum etiam cum pendens in cruce, aquam profudit &  
sanguinem ex latere, & emisit spiritum inclinato capi  
te. Nec dubium est, quin sicut Eva ex latere Adę for  
mata est, ita Ecclesiam formari ex latere & spirito Chri  
sti: quemadmodum sanctè explicauit Viennense Conci  
lium.



hum. Tria enim potissimum hæc Sacramenta scimus esse, quibus Ecclesia floreret, Baptismum, Cœnam Domini, & Claves pœnitentiæ. Signaculum baptismi est aqua: Eucharistiæ mysterium, sanguis ex vino, quod est æreum: Claviû potestatem Spiritus sanctus, quæ Christus inspirauit, contulit, signumque eius aperuit ignis in ore Apostolorum. Hoc sanè triforme testimonium Christi, in terris iam violatum, atque prophanatum est: Baptismum enim Anabaptistæ corruerunt: Sanguinem Domini prophanarunt Sacramentarij: Spiritum claviû Homologistæ inuaserunt. Quod scelus cœptum quidem est poni, at nondum finis pœnitentiæ, siquidem nec ipsa adhuc prophanatio cessat. Caveat, qui intelligit: effugiat, cui patet abitus: excutiat puluerem, qui iram Dei veretur. Sed iam ad catalogum veniamus. Lutherus Pseudoprophetae primum spiritum ranæ aut bufonis euomiturus, ut aquam baptismi inquinaret, multa scripsit, quibus Anabaptistis noui erroris occasionem præbuit, & inter cætera, hoc ad VValdenses fratres: Præstat, inquit, prorsus baptismum omittere in paruulis, quàm baptizare illos sine fide: quoniam Sacramenta neque possunt, neque debent sine fide accipi. Arripuit hæc Bernhardus quidam fatali cognomento Rormanus, natus credo ad excitandam turbam sectamque in infima fece plebis. Quæ isto immundo bufonis spiritu concitata, ruri passim, & in pagis Baptismi Sacramentum horribiliter defœdant, & variè quidem. Nam ut in hoc omnes Anabaptistæ cōsentiant, ne rectè usurpetur baptismus, tamen in plenisque alijs dissentiunt hostiliter.

*Catalogus sectarum inter Anabaptistas.*

**A**lij enim se Admiras appellât, quod innocentiam Prim<sup>us</sup> im-  
Adz se imitari profiteantur. Alij Stebleri vocantur, mund<sup>us</sup> spi-  
ritus quia cum censeant peccatum esse, apud Magistratum Bern-  
tum contendere, nec vim licere vi repellere baculu por-  
tant, gladium nullum gerunt. Alij Sabbatarij sunt Sab-  
batarum enim (sicut Iudæi consueuerunt) colere se dicunt  
oportere. Nec de Christi diuinitate rectè sentiunt, pro-  
liques

*Anabap-  
tistæ.*

*Sacramen-  
tarij.*

*Homolo-  
gistæ.*

*I.*

*pater A-*  
*nabapti-*  
*starum.*  
*Adamite*  
*Siebleri.*  
*Sabbata-*  
*rij.*  
*Clancula.*  
*Christia.*  
*Manife-*  
*starij.*  
*Demonia-*  
*ci.*

cliques ad Iudæorum Messiam. Alij se Clancularios Chri-  
stianos vocant, quod existiment sibi licere, si rogentur,  
an sint Anabaptistæ, negare, ut vitent periculum. Alij  
contrà Manifestarij dicuntur, putant enim impium esse,  
si cùm rogantur, se negent esse quod sunt, Anabaptistas.  
Sunt præterea Dæmoniacy, qui contendunt, sicut Origi-  
nistæ quondam etiam Demones salutarum iri, Plures A-  
nabaptistarum sectæ reperiuntur, scio: verùm iam non  
succurrebant: alijs & istas subtexam.

*Catalogus sectarum inter Sacra-*  
*mentarios.*

**S**ECUNDUM immundum spiritum bufonis eructavit  
Lutherus in blasphemiam Eucharistiæ, & inter cæte-  
ra, talem in plerisque scriptis suis ansam porrex-  
it Carolostadio, & Zuinglio ad renouationem Berenga-  
rianæ hæreseos, cùm ita scribit cōtra Leonē Pont. in Assen.  
& in libel. de formula Missæ: Neutra species, inquit, sed  
sola fides est necessaria ad salutem. Item in Resolutioni-  
bus conclusion. 7. quòd sola fides Sacramenti iustificet,  
non Sacramentū. Et cùm illud Ioannis exponeret, Spi-  
ritus est viuificans, caro autem nihil prodest: ita Spiritū  
iactabat initio, ita efferebar, ut cùm carnem omnino, ut  
Manichæi, fecisset peccatum, non solum Christus ho-  
mo putatiuus fermè, sed & ipsum in Eucharistia corpus  
illius, & iustitia in remissione putatiuè, hoc est, *ἡ πίστις*  
*δοξασα* (vtor veterum dictionibus) accipiendā existima-  
rentur. Ea scilicet conditione, & Manichæa, & Pelagia-  
na hæreses antiquæ in concordia reduci posse videban-  
tur. Nimirum si sola fides ad salutē homini satis esse asse-  
ritur, poterunt ex eo paradoxo varia monstra procreari,  
non solum quod nos imputatiua iustitia iustificet, verū  
etiā, quòd Christus corpus habeat putatiuū, ut olim Ma-  
nichæus, & nunc Suencfeldius arbitrantur: quòd item  
non verum, sed putatiuum corpus Domini porrigitur  
in Eucharistia, sicut quondam Berengarius censuit, &  
nunc pleriq;. Cùm adeo eleuasset Lutherus signa sacra-  
mentalita, & extulisset solam fidem, Carolostadio auor  
fuit erroris Berengariani, Suencfeldio præter eundem  
& Ma-

& Manichæi & Eutychiani, itemque alij aliorum: quorum primas tenet Ulrichus Zuinglius, à quo reliqui penè omnes, qui id dogma secuti sunt, Zuingliani appellantur.

Caput autè Zuingliani dogmaris de Eucharistia est, verum & substantiale corpus Christi non esse in eo Sacramento. De hoc quidem capite cōsentiunt Zuingliani omnes, nulla est inter ipsos controuersia. Verum quia hic iste error defendendus illis videtur, mox ingens, omnitur disseissio, num hoc, vel illo fūco palliandus sit, vel alio. Itaq; sunt Zuingliani Significatiui, qui hæc verba, Hoc est corpus meum, sic interpretantur, vt verbū, Est, exponi debeat pro, Significat. Sunt etiam Tropistæ Zuingliani, qui verbum, Est, non attendendum putēt, sed tropum esse in voce corporis, vt intelligendū sit pro corporis figura. Ab his dissentiunt Zuingliani Energici, qui vt propius aliquanto ad verba textus accedere videantur, corpus Domini dicūt intelligi oportere pro energia corporis, quasi effectū pro causa per Metonymiam. Ita Calvinus nouus interpret, & quidam alius. Arabonarij ab istis omnibus statuunt diuersum: aiunt enim cenā Domini, cū præbetur, dari illā tanquam arabonem corporis, & quasi inuestituram donari prædij aut alicuius domus. Ita Franciscus Stancarus in Polonia suos docet, & in Transilvania. Præterea sunt qui corpus Domini quidem adesse concedunt, sed eorum alij, quòd sub pane, alij cum pane, alij in pane, alij circa panē. Huc Suenfeldiani accedūt ab instituto Lutheri longius progressi, qui adeo verū corpus Domini negant esse in Eucharistia, vt non dubitent Christi naturale corpus postea, quā in celum ascendit, in diuinā naturā transmutatū esse, contentere: ac propterea externa signa esse vana, internū solum spiritum sufficere. Sed longius ista hæresis patet, quā pro hac epitome.

*Catalogus sectarum inter confessionistas.*

**T**ertius immundus spiritus, quem instar bufonis euomit pseudopropheta Lutherus, fuit secta confessionaria: cuius Princeps & Coryphæus exiit Melancthon

*II.*  
*Secundus*  
*immundus*  
*spiritus*  
*Ulrichus*  
*Zuinglius*  
*filius Lu-*  
*theri, pa-*  
*ter sacra-*  
*mentariorū*  
*Significa-*  
*tiui.*  
*Tropistæ.*  
*Energici.*  
*Calvinus.*  
*Zuingli-*  
*anus Ener-*  
*gicus.*  
*Arabonarij.*  
*Franciscus*  
*Stancarus.*  
*Zuinglia-*  
*nus Ara-*  
*bonarius.*  
*In adessen-*  
*do.*  
*Esse cum*  
*pane.*  
*Esse sub*  
*pane.*  
*Suenfel-*  
*diani.*  
*III.*

*Tertius, im-*  
*mundus*  
*spiritus*  
*Melancthon*  
*Philip-*

DE CONCORDIA.

*filius Lu-  
theri, &  
pater con-  
fessionista-  
rum.  
Philipp.  
Melanthon  
Homolo-  
gistes.*

Philippus Melanthon: sed invidia sociorum ab hoc gra-  
du penè depulsus, vix, aut ne vix quidem inter medios  
hæret, miser & afflictus senex. Eius Homologisticæ se-  
ctæ præcipuus scopus fuit semper, sedem Apostolicâ, &  
quod in Christiana fide Catholicum est (ne videlicet vl-  
la sit Apostolicarum clauium potestas) funditus delere.  
Etenim huc Augustana Cōfessio tendit, huc socialis cō-  
spiratio nititur, huc omnes conatus & vires (quemad-  
modum compertum est) direxerunt Melanthonij. At ve-  
rò, quoniâ est *ἡ αὐτὴ φθασικὴ τὸ κακὸν καὶ διαίτητικὸν*, ip-  
se sibi id malum accersuit, quod erat machinatus alteri.  
Varie autem sectæ Homologistarum emerferunt bre-  
ui tempore, atque subitò: quas, ne confuse recitentur,  
distinctè commemorari illas oportebit *κατὰ τὰ γένη καὶ  
ἔθνη*: multiplex enim hæc colluies est, & in diuersas dis-  
secta familias.

*Cōfessionis  
starū fa-  
ctiões tres.  
1.*

*Rigidi &  
Stoici Con-  
fessionista  
vulgò Il-  
lyricani.  
Illyricus.  
Gallus.  
Amsdor-  
fius.  
Sneppius.  
Morlinus.  
Vvestpha-  
lus.  
Sarcerius.*

Confessionistarum igitur qui Augustanam Confes-  
sionem profitentur, sunt factiones tres. In quarum pri-  
ma Rigidi & Stoici Confessionistæ ponuntur (Melan-  
thon illos *θρασυδείλους* appellat, vulgo Illyricani dicuntur)  
homines nimirum eiusmodi, qui à placitis Lutheri, siue  
bona illa, siue mala sint, penitus non recedendum arbi-  
trentur. Latè hæc Illyricana secta patet: totâ enim Saxo-  
niam occupauit, & plerasq; vrbes Germaniæ superioris,  
& totam Thuringiâ. Præcipui autem duces sunt, Illyri-  
cus, Gallus, Amsdorfius, Sneppius, Morlinus, Vvest-  
phalus, Sarcerius. Absurdissima autem quæq; Lutheri  
mordicus sibi defendenda putant, vt nullum homini ef-  
se liberum arbitrium, omnia euenire necessariò, vt ne li-  
berum quidem præbere assensum homo possit, adeoq;  
hominem non plus sentire, quid in se Deus agat, quâ in-  
cus quid malleus. Opera non esse necessaria ad salutem:  
nullos ritus aut cæremonias in Ecclesiam admitti opor-  
tere: eiusdemq; generis alia, quæ tamen Lutherus par-  
tim ambigüè scripsit, partim retractauit. Itaq; hi Stoici  
Confessionistæ cum cætera sint rigidi Lutherani, tum in  
hisce, quæ iam recensuimus, Luthero assentiri videtur in  
genere præter alios, in specie autè degeneres ab eo lon-  
gius



gius recesserunt : nam & ipsi diuersis diſſentionibus diſtracti ſunt. Quidā enim illorū ſunt Antinomi, qui legē neq; ante, neq; poſt iuſtificationē iudicant neceſſariam eſſe. Quanq̃ Lutherus ipſe eius ſectę primus autor fuit, vt ex varijs eius ſcriptis oſtendi poteſt. poſtea tamen cū Iſlebius idem aſſerere cœpiſſet, edidit multas diſputationes in cōtrariā partē. Deinde ſunt inter hos Stoicos Cōfeſſionistas quidam Samofatenenſes: qui negant in principio Euangelij Ioānis dictionē *ὁ λόγος* perſonā ſignificare. Illyricum eius antiquę hereſeos reſuſcitandę autorē patefecit. Melanthon in ſua epiſt. ad M. V Varmerū Barbenſem. Sunt & Inferiani in eadem ſactione Rigidorū: hi autem negāt Chriſtum reipſa deſcendiſſe ad inferos: infernum enim eſſe ſuum cuiuſque ſepulchrum. Lubece & Hamburgę & Brēmiſ ea ſecta graſſatur. Sunt Antadiaphoriſtę: quorum alij nonnullas cęremonias admittunt, ſed quas ipſi inſtituunt nouas, non veteres: alij plane nullos ritus, niſi quos Lutherus præſcripſit, ferri in Eccleſia exiſtimant oportere. Extant Illyrici, & Galli, & aliorum varij pro hac ſecta conſcripti tractatus. Sunt Antisuenſeldiani, qui cū ſuenſeldium reſutant, omnia ponentem in ſpiritu, literam prorsus reiſcientem, ponūt illi contrā omnem viā ſalutis in vocali verbo Eccleſiaſtici miniſterij, ſine quo neminem credunt ſalutem conſequi poſſe. ſunt & Antoſiandrini: ſed hi admodum varij: petita enim ſunt à pleriſque Cōfeſſionistarum Eccleſijs de Oſianderi dogmatibus iudicia, præſertim de iuſtificatione, quod innouārat Oſiander: reſponſa ſingularū eccleſiarum typis excuſa prodierunt, ſed ita diuerſis contrarijsq; pronunciata ſententijs, vt quatuordecim iuſtificationes inter ſe penē omnes pugnantes prolataſſe legantur, dum alij ſanguinem Chriſti, alij paſſionē, alij ſatiffactionem, alij trāſitum illius eſſe formalem hominis iuſtificationem aſſererent. ſunt præterea Anticaluiniani qui tamen perpetuam Catholicę Eccleſię doctrinam de euchariſtia non amplexi ſunt, id tamen pro catholico cōſenſu cōtra priuātā opinionē Caluini rectē defendunt, corpus Domini verum & naturale eſſe in eucha-

*Antinomi**Iſlebius.**Samofatenenſes.**Inferiani.**Antadiaphoriſta.**Antisuenſeldiani.**Antoſiandrini.**Anticaluiniani.*

# DE CONCORDIA

Eucharistia, non tantum in *ipſiâ* corporis. Ioachim<sup>us</sup> VVestphalus pleraque edidit hac de re. Sunt Manusim-  
*positorij.* positorij, qui in Pomerania altercantur, vtrum impositio  
 manuum sit Sacramentum. Cui pſtro contendit vehemē-  
 ter, Frederus repugnauit obstinatē. E Grypesualdo ser-  
 ſit ea ſectaria contentio in alias quoque prouincias. Bi-  
*Bisacra-* sacramentales appello eos, qui ſolummodò Baptiſmum  
*mentales.* & cœnam Domini in ſacramentis ponunt. Ita ſentit ma-  
 xima pars Illyricanorum: tamenſi alij iam incipiant Me-  
*Trisacra-* lantthoni applaudere. Sunt contrâ Trisacramētales, hoc  
*mentales.* eſt, qui tria ſacramēta admittūt, neq; plura, neq; paucio-  
*ra.* De prima ſactione Confeſſionistarum hætenus.  
*Mollesphi* In ſecunda Confeſſionistarum ſactione molles illi phi-  
*loſophi* loſophi & elegantes *in iſtâ* habentur: quorum princeps  
*ſeſſionista* Melanthon eſt, & Maior & Furſterus & Pomeranus,  
*Melantho* Lipſenſesque Theologi, Pfeſſinger, Camerarius, Meni<sup>us</sup>,  
*Maior.* & farinæ eiſdem conſimiles.  
*Furſterius* Priuata his dogmata ſunt, & tamen inter aliquot ipſo-  
*Pomera-* rum communia, eſſe liberum arbitrium, fidem principa-  
*nus.* liter opera bona minus principaliter iuſtificare, de par-  
*Pfeſſinger* tricula, Sola, non eſſe dimicandum, & quod de cœna Dñi  
*Camera-* Caluinus rectiùs ſentiat, quàm Lutherus: & quædã for-  
*rius.* taſis prætereâ.  
*Menius.* Sed quod hæreſeos propriū eſt, nec iſti quidē de fun-  
 damento cōcordes ſunt. Maioriſtæ em̄ docent quod bo-  
*Maioriſtæ* na opera ſint neceſſaria ad ſalutē, q̄ nemo abſque bonis  
 operibus ſit ſaluatus, q̄ abſque bonis operibus impoſſi-  
*Adiapho-* bile ſit quenquā ſalutē fieri. Adiaphoriſtæ *ad iſtâ* in-  
*riſtæ.* troduxerunt, aſſerentes eccleſiaſticas conſtitutiones &  
 cæremonias eſſe res indifferentes: quas ſiue obſerues  
 ſiue repudies, in pari eſſe conditione atq; iure. De vtraq;  
 illa ſecta multi lib. vltro citroq; ſcripti leguntur paſſim.  
*Quadraſa-* Sunt quos Quadraſacramentales appelles, q̄ quatuor  
*cramenta* Sacramenta ex ſeptem recipiunt, Baptiſmū, eucharistiā,  
*les.* Clauſes, Sacrum ordinem. Lutherocaluinianos eos di-  
*Luthero-* cō, qui Berengarianū dogma de Eucharistia ſic tēperant,  
*caluinis-* vt Caluini Sacramentariā hæreſin iā in Auguſtana Con-  
*ſi.* ſeſſ. à Principibus approbatam perſuadere conantur:  
 id

id quod ipsemet Calvinus in sua aduersus VVestphalū  
admonitione de Melanrhone testificatur. Reperti quoq;  
sunt, qui inter Osiandrinos & Antosandrinos *Amnesi-*  
sancendam censeāt, vt dissimulatis vtrobiq; erroribus, *ta.*  
contentio tota tradatur obliuioni. Ita Illyricus in Apo-  
logia sua de Melanrhone. Mediosiadriui sunt Brentius, *Mediosian-*  
ceterique Theologi Tubingenses: hi em̄ cum Osiander *drini.*  
hominē essentiali Dei iustitia iustū dixisset, & Illyricani, *Brentius.*  
hominē solū imputatiuē iustū haberi, correxerūt vtroq;  
media via interposita, quod scilicet in hac vita homo im-  
putatiuē iustus reputetur, in felici autē patria fore illum  
ea iustitia iustum, quā Deus ipse per essentialiam iustus  
existit. Obscuriores sanē, quorū copia est, sectarios per-  
sequi non libet in hoc genere.

In tertia factione sectæ quatuor reperiuntur, sed adeo *III.*  
inter se rebelles mutuò, & à superioribus diuersæ, vt qua- *Factio re-*  
si in alienis castris militare videantur. Quare tamen nō *calcitran-*  
apertè quidē à Confess. Augustana resiliisse existimari *tes philo-*  
volunt: at quia nō obscurè tamen ipsi Luthero magistro *sophi.*  
suo ausi sunt obluertari. idcirco Recalcitrantes illos no-  
minare possumus. Primas in hac factione tenent Suenc *Suencfel-*  
feldiani, qui Sacramenta omnia, in primisq; vocale ver- *diani.*  
bum ministerij, tanquam litterā occidentē respiciunt, & so-  
lo spiritu nos debere contentos esse docent. Præterea  
humanam Christi naturam, postea q̄ in cælū ascendit,  
in diuinam penitus mutatam esse itemque & fidem,  
& charitatem, & iustitiā, quibus homo iustus efficitur,  
esse diuinæ naturæ particulas. Iudā uō percepisse veram  
Eucharistiā in cœna Domini. Hæc Suencfeldianorū præ-  
cipua sunt, minùs grandia omitto. Libri ipsius Suencfel-  
dij multiplices versantur in manibus hominū: legat, qui  
vult. Osiandrini habēt ea cū Suencfeldianis communia, *Osiandrini.*  
quod charitas & iustitia & sapientia (nō tamē fides) qui-  
bus homo à Deo ust<sup>o</sup> & sapiēs constituitur, sint ipsa Dei  
essentia. Prinarū Osiandrinorū est, quod Christus solū-  
modò iuxta diuinam naturam iustificet hominē: quod  
item homo cū sit imago Dei, fiat omnino eadem i-  
mago Dei, quæ est Christus filius Dei & Mariz. Præ-

DE CON. DISCIP. LVTH.

*Stadcariani.*

*Antistancariani.*

tercio hic multa. Stancariani aduersus Osiandrum scribētes, vt contrarium ruerentur, affirmabāt Christū iustificare hominē iuxta solā humanā naturā. Docuit idē Stācarus, corpus Domini in Eucharistia, esse arabonē, seu pignus, quo quis quasi inuestiatur ad possessionē promissæ gratiæ. Opposuerunt se Francfordienses Theologi. Antistancariani & quō Stancarum expeditius refellerent, cōtendebant Christi diuinam naturam quoq; vnā cum humana in cruce passam, mortuāq; fuisse idq; ipsius Lutheri iudicium esse affirmabant, vt edita quaternio ostendit.

Emersimus tandem ex pestilenti illo cœno hæresium atque Hæreticorum: quos, vt memoriā iuue lectoris, in tabella, & in sua quēque classe turmatim disponam conspicendos: vt, cū nomina illorū in cœlis scripta non sint, in terris non penitus oblitterata interiisse videantur. At in ea ista trium immundorū spirituum crapulante exhalatione, est, nescio quæ notatio fatalis. Spiritus enim Anabaptisticus fecē plebis iunxit. Sacramentarius dementauit cines potissimū. Homologistes verō, in aulas Principū irrepsit: adeoq; vt primus immundus spiritus autor sit rusticanæ infidelitatis, secundus ciuicorum hæresium pater, tertius au licæ dox peruersitatis. Cū autem vna esset fides antea, vna vox omnium, siue illa ruri, siue in vrbibus, siue in aulis audiretur: nunc verō spiritus instar ranæ coarctat in agris, ille instar ruberæ tumet intra mœnia: tertius micat veluti bufo in triclinijs.

Magnatum: sed omnes æquē venenum spirant, dum instant more suo contra vocem Ecclesiæ matris nostræ.

Ada



I.	Spiritus immū dus bernhard Rotman, filius Luthe. & pater Anabaptistarū.	Adamitæ.	1	Anabaptistæ
		Sabbatarij.	2	
		Clancularij.	3	
		Manifestarij.	4 sectæ.	
		Dæmoniacy.	5	
II.	Spiritus immū. dus Zwinglius seu Carolosta dius, filius Lu theri. pater Sa cramentariorū.	Stebleri.	6	Zwinglianæ
		Significatui.	1	
		Tropistæ.	2	
		Energici.	3	
		Arabonarij.	4	
		In adestendo.	5 sectæ.	
		Esse cum pane.	6	
		Esse sub pane	7	
		Spūales Svenc feldiani.	8	

Apo. 16.  
Draco.  
Bestia &  
Pseudo  
propheta  
Luther?

III.	Spiritus immun dus Ho mologi stes, fili Lutheri pater cō fessionis istarum.	I. Factio. Sūt rigidi Stoi ci Confes sionistæ.	Antinomi	1
			Samosatēneses.	2
			Inferiani.	3
			Anradiaphoristæ.	4
			Antisuencfeldiani	5
		II: Factio. Sūt molles Phi lophi cō fessionistæ.	Atiosandri.	6
			Anticaluiniani.	7
			Manus impositorij.	8
			Bisacramentales.	9
			Trisacramentales.	10
		III. Factio. Sūt recalcitran tes Confes sionistæ.	Maionistæ.	11
			Adiaphoristæ.	12
			Quadracramental.	13
			Luthero caluiniani	14
			Armestitzæ.	15
			Mediosandri.	16
			Svencfeldiani.	17
			Osiandri.	18
			Stancarini.	19
			Antistancariani.	20

DE CONCORDIA

**D**Octores quidē recentioris euangelij, sunt isti præcipui. Quorum opiniones & sectæ cum tam variez sint, tamq; inter se dissidentes, alterū fieri profectō potest, vt earū nulla sit vera, quod cōtrarijs sæpe solet euenire: alterū certē nō potest, vt plus vna vera sit, quēadmodū in cōtradictorijs perspicuū est. Qua quidē de causa, cū nulla hæresis possit esse vera, necesse est, si quando hæretici inter se cōmissi digladiantur, vt de cōtrarijs sententijs dimicēt, & horū natura sit vera. Eademq; de causa sit, q; cū duz hæreses sint inter se cōtrariæ, & tamen oppugnent Ecclesiæ doctrinā, necesse sit, contradictioni sententiā opponi vtriusq;: vt, quia alterutra cōtradictionarum semper vera est, altera falsa, veritas Ecclesiæ per cōtradictionem, frenum aduersarijs iniicere possit.

Atqui vnicum hoc impedimētum semper ferē obstat Hæreticis, quō minūs possint, etiā si maximē velint, redire in concordia. Etenim quæ vnquam magna hæresis extitit, quæ non confestim à capite in minutas partes diuisa? quæq; non æque cōtraria fuerit alicui alteri hæresi, atq; infesta ipsi Ecclesiæ?

Cognita pestis est Marcionis, vnde Manichæi profecti sunt: nec ignorum virus Pelagij: quorum sectæ nō minūs sibi mutud, quā ignis aquæ, aduersabātur. Altera enim contendebat (exēpli causa hoc ponā) nuptias adeo bonas esse, vt in illis nihil in sit mali, nihil peccati: altera contrā, adeo illas malas esse, vt etiā per sese malum sint. Ex diametro ista inter se contraria enunciata sibi repugnant, nec minūs etiā infesta Ecclesiæ, quā aduersa sibi. Ecclesia igitur, vt refellat vtrāq; hæresin, Marcionitis cōtradicens opponit, quod nuptiæ bonæ sint propter diuinum ordinem, legitimūq; earum vsum: Pelagianis, quod aliquæ nuptiæ malæ, propter deprauationem ordinis, & abusum. Mansit hæc doctrina Ecclesiæ, vtrāq; illa hæresis periit. Ex illa Marcionis Lernæa hydra plura subinde capita procreata legimus. Inde Lucianistarum secta ortum duxit, qui signis aliquot immutatis, rem Marcionis defenderunt: inde prodierūt Appelliani, qui magistri sui disciplinā altera parte correxerunt, locupletauerunt



# DE CONCORDIA.

rus diuifus est: adeoq; vt Eudoxius & Germanus, Georgiusq; Alexandrinus, & Euzoius Antiochenus in vnâ stationem abfeisci concefferint: in fecundam Bafilius, Elenfius, Eufarhius, Georgius Laodiceus, & Siluanus Tarfenfis, & Macedonius Conftantinopolitanus, & alij quidam complures fimiliter. Acacius verò rurfum, vt antea dicebam, & Meletius, atque Eutychiſus, & item alij in tertiam venerant claſſem. Eratq; vniuerſum negotiū plenum vanæ nequitiz. Etenim quæ pro ſe quiſq; ſentiebat, eadem alius non habebat, ſed in mutua diſſidia diuifæ ſunt odio quodam inter ſe mutuo.

Hoc exemplum ſi cum Lutheranorum mutuis inter ipſos ſchiſmaribus compares, quid hi nunc aliud, quàm illi quondam? Res per ſe patet, non eſt opus declaratione. Quæ D. Epiphanius de illis Hæreſiarchis commemorat, eadẽ Auguſtinus tum de eiſdẽ tũ de Donato ſcribit etiã. In lib. 1. de baptiſmo contra Donatiſtas obijcit illis iſtã diſcordem Donati diuiſionẽ: Quanto ergo, inquit, magis, quia eadẽ pars Donati in multa fruſta cõſciſſa eſt, quæ omnes minutæ particulæ hanc vnã multò grandiorẽ, in qua Primianus eſt, de recepto Maximiniſtarum baptiſmo reprehendunt, & ſingulæ conantur aſſerere apud ſe tantummodo verũ baptiſmum manſiſſe. Externa iſta ſunt: domeſtica, ſi placet, conſideremus. Etenim vna ſecta Huſſi quod alias peperit diuerſas hæreſes? Ex nominum diuerſitate licet notare cõfuſionẽ. Alij ſe fratres VValdẽſes ſalutãt, alij volunt ſe Taboritas nominari, alij Piccardi vocantur, Grubenheimeri alij: ſunt etiã, qui quod calicis ſiant in Euchariftia participes, ſibi nomen ſinxerunt, vt Calixtini appellentur itemq; alij aliter, complures ſunt enim.

An ſimile quiddam mortuo Luthero euenerit, non eſt obſcurũ: ſiquidẽ viuum ſe diſcindi vidit, ſenſitq; inuitus. Quid enim Thomas Munzerus, Dux ruſticani tumultus? quid Bernhardus Rorman autor anabaptiſmi? quid Caroluſtadius? quid Zvinglius? quid alij cõplures? Omnes profectò nouationis ſuz initiũ acceperunt à Luthero, medium corpus atq; caudã de proprio affinxerunt & ſuo.



suo. Pōst verò mortē illius Prophetæ, Deum immortalē quæ schismata non secuta sunt? Mathias Flaccus aliud in mortuo Luthero vidit apud Saxones: aliud Maior in vino apud VVittenbergenses: aliud Osiander apud Prutenos: Inferiani aliud in maritimis vrbibus, aliud apud Māsueldenses Sarcerius, diuersum quoq; in Sueuia Brētius, in Sabaudia diuersum Calvinus.

Res plena prodigij est atq; miraculi: nam et si vniuerso orbi iam ignotuit, istos Prophetas tā fœda discordia ac furiosa se mutuò dilaniare: tamen si roges illos in cōfessu Catholicorum, cur ita sint in doctrina confessionis suæ discordes, negant illi confestim: imò aiunt contra, se vnanimes Augustanā Confessionē amplecti, in fundamento conuenire, nihil esse inter se dissensionis. O incredibile impudentiā Meridianus sol tenebras istas coarquit. Præcipui articuli Confessionis illius sunt, de personæ Christi, de peccato, de libero arbitrio, de iustificatione & iustitia Dei, de fide, spe, & charitate, de pœnitentia, de bonis malisq; operibus, de Sacramentis, atq; horum numero, de Baptismo, de Cœna Domini, de ecclesia, & huius iurisdictione, & cæremonijs, & multis alijs rebus præterea. De hisce autem articulis discidere, si id non est dissidere in fundamento Christianæ fidei, fateor equidē me, quid Euangelicæ doctrinæ fundamentū sit, nō intelligere. At verò quid in hisce istis articulis Augustanæ Cōfessionis est, quod ipsi Confessionistæ non in mutua lire ponant, non controuertant, nō rapiant iam in hunc, iam illum sensum, modo album esse asserentes, modo nigrū, mor quiduis aliud?

Mihi sanè Augustana Confessio, si licet liberè, quid sentiam, dicere, Hesiodeæ Pandoræ persimilis esse videtur. Erat enim hæc aspectu pulchra gratijs decora, cuius in ore habitabat  $\omega\tau\omicron\nu\iota\alpha\ \pi\epsilon\iota\theta\omega$ , & circa caput  $\pi\epsilon\theta\theta\ \alpha\rho\gamma\alpha\ \lambda\iota\theta\omega$ . Sed quid intus in corde?

$\epsilon\nu\delta\epsilon\ \alpha\rho\alpha\ \sigma\iota\ \sigma\eta\theta\epsilon\sigma\iota\ \delta\iota\alpha\chi\tau\omicron\rho\omega\ \alpha\rho\gamma\epsilon\phi\omicron\tau\tau\upsilon\varsigma$   
 $\Psi\upsilon\delta\epsilon\iota\alpha\theta\prime\ \alpha\iota\mu\iota\lambda\iota\omicron\upsilon\varsigma\ \pi\epsilon\ \lambda\omicron\gamma\omicron\upsilon\varsigma,\ \chi\epsilon\iota,\ \epsilon\pi\iota\kappa\lambda\omicron\pi\omicron\rho\ \eta\delta\omega\ \pi\upsilon\zeta\epsilon.$

Vnde postea quàm internuntio Herme, domo obui-  
 gisset hæc Pandora Epimetheo, omne genus morborū,  
 atque

DE CONCORDIA

atque calamitatum erūpebat. Non, secūs professō nūne Augustana Confessio: etenim quā ipsa bella est? quā fronte hilaris? quā gratiosa? quā in ore illius suauiloquētia, & πόντος πειθώ? tum quā ardēri desiderio eius plerique mortalium flagrant? Nimirum quem prae se characterem gerat, & quem titulum, vide. Puri Evangelij doctrina est: principes eā professi sunt: status imperij subscripserunt: omnes in ea sunt concordēs atq; beati. Hæc cernē eius Homologeticæ Pandoræ facies est, hic illius aspectus, hæc cutis, hoc externo cultu foris fulget, atq; coruscat. Verūm quid in vatio illo cordis recessu occultat, quid nutrit?

Υπόλειψις, αἰμιλίας τε λόγος, καὶ ἡ πικροπορὶ ἡθῶ.

Verūmne hoc, an falsum sit, malle Mediusfidius nobis Prometheus edissereret, quā Epimetheus. Sed quia nos Germani propemodum sumus soboles Epimethei, videlicet prudentes in fine, post factum: ab euentu igitur poterit, credo, quæ hæc Confessionaria Pandora sit, non obscurē animaduerti. Vtunque enim suauem se ac blandam præbeat foris, deieretq; nihil in se esse discordiarum, nihil ciuiliis belli, nihil funestæ cædis: tamē intramus in seuestrā pectoris, & ipsa illius viscera intueamur: reperiemus cōtinuō in huius cōfessionariæ Pandoræ pectoris latere tot hæreses, quot secunda pars huius libri cōplexa est: tot sectas quot pars tertia, tot fraudes ac dolos, quot prima. Quas verō cædes illa & strages in Germana ediderit, historici ætatis nostræ loquuntur: recens enim hominum memoria est, quā cruentum fuerit infauftumq; noui istius Euāgelij principium. Scimus in rusticano tumultu quid acciderit, & quid euenerit in Anabaptistarum oppugnatione: scimus quali euentu Tigurini Heluetij nouā disciplinam Euāgelij donari fuerint cōfœdatis socijs tradere: nec excidit hominū memoria, quod eiusdem nonitatis occasione Prussina Germanis eripuit Polonus, Solymanus Vengarium Regi Ferdinando. Taceo quæ postea ciuilia bella secuta, quæ factæ cædes principū, quæ vrbes exustæ, quæ vastatæ sint per totam Germaniā prouinciæ, quā denique inter-

necinis

secinis odijs discordijsq; omnes omnium Principum,  
 omnium statuum, ordinumq; animi inflammari, atque  
 erulcerari insolebant; unde, quid tandem in hac misera-  
 biliterum conuersione euenturum sit, solus Deus ex-  
 ste nonit, nos dūtaxat spē diuinę misericordię fouem.  
 Quāobré vt ita concludā, quēadmodū exorsus, nemini  
 dubiū: esse potest, si bonū sui est & sui cōseruans destru-  
 ctium malum, quin ex Gamalielis vaticinio, spem eam  
 nobis haud incertam polliceri possimus, fore deniq; vt  
 Ecclesia ab his diuturnis malis aliquādo liberata, pacē sit  
 habitura suā, & hęreses in sese reuolutę, interiturę sint  
 tandē. Hoc fac clementissime Deus, & cirō. Da etiā Spi-  
 ritum sanctum tuum, spiritum pietatis Catholico Clero,  
 vt turpitudinem vitę deponant, vt mores suos prauos  
 emendent, & induant honestos, vt scandala tollant &  
 abusus in Ecclesia, atq; ita viuant ex more ma-  
 iorum, ne quid contra Deum & anti-  
 quos canones temerē pec-  
 carum iudice-  
 tur.

F I N I S.

David Jones In Erykterre segriff van  
synen wonderbaerich (dare all sijn gewond  
vnd ydel lastering in stit) also. Ontant  
dit buech, mint als van Muntzgen hant  
dare die voluente ~~gantz~~ deser comelt, mer  
vter Geygen seghen dat hylige geistus,  
van mynen Jangere vnd gebaeren vader in  
dus huerel: der dat vuyt lueren gesent,  
dat menige licht dat vuyt luege gesent,  
dat wort oer gesent, mer oer gesent geist  
mer in des Muntzge hant gesent is, en  
vort an den dag bringe sel, in ondering.  
Lige vordere vnd comen d'vuytgeit. 2

Dals segriff in in 6 capittel des 1 boeke  
Joh David Grib myn huygelyke vuyt  
van velt in der vuytgeit gesent vnd ge  
sien, Ja geyntes, gesentet, gesent vnd  
gesent. Inghelinge segriff in in 9 cap  
dare int 12 vuytgeit an 126 dat  
segriff der David Jones also

Joh David Grib v mit mynen vuyt mer  
in der hueren in der geist the ordelen, in  
der vuytgeit, te salge, te gebaeren  
off the vuytgeit, geint off geant the geint  
der vuytgeit the vuytgeit off vuytgeit, 126  
den of te vuytgeit by d'vuytgeit in der vuytgeit. Ja the vuytgeit  
to vuytgeit mit den vuytgeit vuytgeit, vuytgeit the vuytgeit vuytgeit  
vuytgeit.



in  
und  
amst  
to  
in  
fj  
fwa  
atv,  
mrt,  
hufft  
hmr  
mry.  
d  
das  
gint  
und gpe  
mndr  
ray.  
blat  
to  
mangfi  
hmr, ma  
ldm  
finggt,  
dy, die dy  
mndr, dy  
in der holt.